



Ex libris
Joannis Nepomoceni
Camienſis
m^o

STEPHANI PETIOT
SOCIETATIS JESU
PANEGYRICI
DUO,

Alter
DE RUPELLA

expugnata,

Alter
De DELPHINO.

POSNANIÆ
Typis Clari Collegii Societatis JESU
Annô Domini 1737.

2892

525219

I



1961K 2892

PANEGYRICUS

LUDOVICO XIII.

DICTUS.

A Trigisti gloriæ verticem, REX INVICTISSIME: adepta es votorum summam, fortunatissima Gallia; tenes fastigium dignitatis, Christiana Religio. Bellum illud aliquando confecimus, ad quod unum toto sæculò communia omnium vota, privata singulorum studia, publica comitiorum consulta, Sacrorum augusta solemnia, Regum expeditiones innumeræ, multorum terra, marique contentio præliorum, belli, pacisque quotidiana consilia, Reipublicæ demum totius rationes, motus, sensus universi referebantur; ne quis possit ambigere, quin hoc uno cardine fortuna civium, fors Gallia, majestas imperii niteretur. Habet superbia suos gradus, ad extremum devolvitur: postquàm pervenit ad primum, qui non novit ultrà crescere, ruere capit, nihilq; tam propinquum est casui, quàm quod est summum: Cælum ipsum, quò nihil altius occurrit aspectui, fatum expectat; & momento sæpissimè perit, quòd ægrè sæculum perit.

PANEGYRICUS.

2

perit. Sic illa jacent tot annis sudata perduellium propugnacula, dissipatae sunt ingentes illae Britannorum classes; utrorumque juncta cum extrema rerum desperatione, incredibilis audacia corruit; terrae, maria, tempestates succubuerunt fortitudini Regiae: locis demum universis profligata rebellio, simul omnia sibi sensit praeter inferos esse conclusa. Quae immensitas gloriae, naturam totam unius triumphi pompâ traducere, elementis omnibus imperare! Quodsi adhuc aliqui ex illa furiosorum hominum turba; qui humanae fidei desertores sensum à divina deficiunt, de aeternitate hujus imperii dubitavit, fateatur errorem suum hodie, postquam illud videt perduellionis ruinis impositum; felicique commutatione fatorum, à REGE LUDOVICO, immortalitatem regni, nominisque Gallici confirmatam, ex quo haereticus desertor occubuit. Cui enim Caelum aut lubentius laboret, aut gloriosius; quam ei Principi, qui Numinis hostes evertit? Quem alium coronet ambitu saeculorum, & temporum, quam eum, à quo tot laureis coronatur? Delubris eos coluit antiquitas, qui istis minora fecissent, & pro Diis habiti sunt apud suos, qui tecum REX FORTISSIME, comparati, vix homines viderentur. Quot tu ergo sana, si vixisses illis temporibus, nisi te ad felicitatem nostram fata servassent, quas aedes, quo numine conse-

consecrâsses? Quam Religionem populis attul-
 lisses? Non Cives, ut aliorum solebant, sic tu-
 um funus expectâssent, tempus illud sacrificiis
 occupâssent, ipse vivus habitâsses in templis,
 auxiliâsses orbis ceremonias, & aris impositus,
 quibus auribûs nostras preces nunc percipis,
 iisdem omnium vota gentium accepisses. Ve-
 rum tu, qui solidis abundas laudibûs, hac inani
 superstitione non indiges. Non crescit men-
 daciô veritas, ad superos vita, non fama nos
 evehit. Tuis major es incrementis, quàm fi-
 ctæ religionis encomiis; mavis sublimi demissi-
 one majestatem tuam extollere, quàm abjectâ
 superbiæ, & sordido fastu deprimere. Gaudes
 conscientia bonis, nullaq; præterea re, quàm
 virtute, vis cæteris eminere mortalibus, adeo-
 que divina cum facias, humanam sortem non
 erubescis. Facessat ergò vana hæc species re-
 ligionis. vetat ipsa religio regis laudes sacrile-
 giô prosequi: quàm sunt illa deformia, quæ
 crimine calamistrantur, virtus virtute lauda-
 tur, nunquam consecratur à vitio. Votis pu-
 blicis oratores alii suorum Principum facta
 commendent, faciam ego ut intelligant uni-
 versi te tuis factis, REX AUGUSTISSIME,
 vota mortalium superâsse, & si vota univer-
 sorum, quantò magis mea unius præconia supe-
 râsti? quidquid tamen de te dixerimus, dictû
 erit magnificè, quia nihil fecisti humiliter, &

demissè; toties amplissimè laudaberis, quoties verè, quæ gesseris, narrabuntur; rursusque toties vera de te audies prædicari, quoties recitabuntur amplissima. Ornâsti tu facta: corrumpet, qui melius ornare voluerit. Mitto igitur esse sollicitum de cultu orationis, postquam tantus est splendor in ipsa materia. Narrabo sinè multo apparatu quos hoc bello hostium populos viceris; quam rupem, quam Rupellam expugnâris; quas procellas, & maria fregeris. Sed adhuc necesse est scire, quod dicendi initium quem modû facere debeam: non quod laudes tuas, quæ sunt immensæ, credam ullis terminis definiri posse: sed ne infinita fiat oratio: si in proferendis tuis trophæis, velim ire per singula. Sequar igitur in scribendo ordinem agendi tuum, & cû magnitudinem hostis, quem oppressisti, demonstravero; tum pugnae genus exponam, seriemque victoriæ.

Hostis erat vincendus ille, qui suapte ingenio semper elatus, nunc certè longo virium suarum usu, & fortitudinis experimento, supra modum tumidus, certior sibi semper de victoria, quàm de prælio videbatur. Erat communis omnium sensus, Rupellam temeritate & audacia tentari posse; vinci non posse; quæ hinc arduis quidem propugnaculis, fossa præcipiti, pendenri vallo, continuato aggere, lenta palude, molitione multiplici inclusa esset; il-

line

line verò latissimò, altissimòve fretò munita,
cui projectæ turres incumberent, & obijceren-
tur portæ, transversis cratibûs, horrenti ferro,
armatis navibûs, feralibûs tormentis, inelucta-
bili catena vallatæ: adeò multiplici carcere de-
buit, antequam moreretur, includi rebellio!
quæ se virtute tueri non potuit, debuit machi-
nis, & quæsitâ munitione defendere. Quot
dementia vallis indiget? se ipsam innocenria
sinè custode tutatur; impietas nullo arcium
munimento secura est. Mediis soluta Rupella
vivebat in vinculis; semper pavida, quia sem-
per rea; semper de præsidio sollicita; quia cõ-
scientia sceleribûs semper obsessa. Accedebat
vis annonæ incredibilis, vini, frumentiq; nu-
merus ingens, apparatus denique rerum om-
nium toto sæculo meditatus. Nimirû omnia
sibi necessaria timor putat. Præstò erat exerci-
tus in Occitania; reliqui signò datò in castra
venturi, palam & publicè dicebantur. Subsidi-
orum præterea opportunitates innumeræ, ro-
bur Angliæ conjuratæ, præsidarius miles erat
intra mœnia receptus; ut pugnarent exteri,
cives sinè periculo triumpharent. Non obscura
erant jurata sociorum auxilia, & cæterorû
hæreticorum variis locis factiones; petebatur
hæreseos caput, quisque manum objectabat.
Procerum etiam quorundam, ut rumor tulit,
enormes conjurationes celebrabantur, confœ-

deratorum dignitas (si in prodicione Patriæ aliqua dignitas esse potest) famam, nomenque sceleribus colligebat; quem deterrebat atrocitas facti, facientis autoritas invitabat. Imensas quasdam habet vires ad persuadendum nobilitas generis. Ad hæc infinitis bellorum sumptibus Regis exhaustum erat ærarium, nobis tum classis nulla, quadriremes jam pridem dimissæ, caritas annonæ hoc tempore summa, frugû interitus, urgens fames, grassantes morbi, pestis locis omnibus multa: malos premebamus, malis obruti: obsidebamus paucos, omnes obsessi: vix licebat vivere, & vincere volebamus. Augebat infinitè superbiam hostium longa belli experientia; quippe qui non solum olim sæpè, modò cum Anglis, modò cum Batavis; partim cum Hispanis, partim cum Lusitanis conflixissent: sed & nuper Regis classem tum Oceani, tum Mediterranei maris copiis instructissimam, duobus præliis fortiter sustinuissem. Quis in tanto apparatu Rupellæ sensus? Eò devenerat impudentissima civitas, ut dudum cæteris gentibus cladis metum inferre, regum purpuram, leges, & oracula conculcare; Reipublicæ succum, & sanguinem exhaurire; cædes, & incendia circumjectis regionibus & agris objicere; antiquas Drusi prælii, Dionysiæ, Jarnacensis, Moncontorii-que tragœdias renovare facillè posset. Tantum erat in

erat in impudentia roboris, tantum virtutis in scelere! Rupella reginam agebat, imperare docta, quæ nonquam parere didicerat: administrabat omnia summa authoritate, cætus provinciales indicebat, publica comitia convocabat, militem tum domesticum, tum externum conscribebat. Provincias, præfecturasq; dividebat, jus cudendæ monetæ sibi arrogabat, inurebat sigillo, ferebat edicta, imperabat pecunias, portoria exigebat, in omnia demum tyrannico dominatu invadebat, ut incertum videri posset, plusne Regi per authoritatem, an subdito per crimen, audaciamq; liceret. Horrebat immaniter Rupes ista; celsaq; fronte crescebat in dies, ut ponderosius rueret: periculis superbiam animabat, erigebatur denuntiatione bellorum, vel ipsa sanguinis specie pascebatur; decernere videbatur illi triumphum, quicumq; prælium indicebat, majorq; persuasionem quàm robore nunquam cessabat ab injuria, ne causæ bellorum interirent; scelus alebat quotidie, ut vel crimine prælia nascerentur. Qui tandem hanc arrogantiam, hos spiritus frangerent? nescit timere, quæ tanta sperat; nescit cadere, tot victoriis instituta. Ubi periculum, inquit, si noluerò periclitari? ubi hostis, si ipsa mihi non fuero inimica? didici vincendo quid possem. Sic plena sui Rupella, sese impudenti ore jactabat.

Movebat

Movebat illud nos quidem, cum nobiscum
 funus istud domesticum viveret, pænè tamen
 verebamur fateri dolorem nostrum, miseriæq;
 majoris metu, vix licebat in communi miseria
 vultum portare fortunæ. Sedebat enim in re-
 gni visceribus virus illud, quod sinè miserabili
 pectoris totius laceratione non poterat evomi,
 quodq; nisi evomeretur, Respublica, nō poterat
 conservari. Oppresserunt Pannonas Hunnii,
 Græcos Turcæ, Italos Ostrogothi, Hispanos Vi-
 sigotti, Syrios & Ægyptios Saraceni, sed illorū
 immanitas cum rebellium hæreticorum furore
 comparata, humanitas dici possit. Ferebamus
 jugum Franci, quæq; cæterarum gentium ser-
 vis, dat Gallia libertatē ipsa servitutem à subdi-
 tis quodammodò tolerabat, adeò probrum illud
 imperii, nec ferri poterat, nec auferri. Quid?
 non desperat propterea Carolus IX. sed annò
 millesimò quingentesimò septuagesimò secun-
 dō colligit totum robur imperii, floremq; no-
 bilitatis, conscribit numerosum exercitum, vim
 tormentorum maximam rotat, immensos sum-
 ptus facit, Ducem Andegavensem copiis præ-
 ficit, qui illo bello Rex Poloniæ electus, felici
 sceptrorum ordine, venerandum Henricorum
 nomen, & seriem aucturus erat; & à Sarmati-
 co illo tyrocinio, major venturus ad Galliæ
 principatum. Is Rupellam advolat, castra me-
 tatur, copias explicat, urbē vallat. Proh! tem-
 pora,

pora, quàm me labem refricare còégistis! Erat in armis pro Rege, Regis ipsius frater; Dux præstantissimus: arma Rex Navarræ conjunxerat, Henricus ille nondum Magnus, qui & ipse feliciter successit in regnum: aderant viri Principes Gondæus, Contynus, Duces Montispenferii, Guyfii. Aumalæ, Nivernenses, Longavillæi, Bullionii, aliq; toto regno Proceres infiniti: accurrerat ex mandato regio fortissimus ille Biro cum cohortibus octodecim, turmis equitum septem, machinis muralibus undecim. Quid præterea? quinquaginta millibus armatorum Rupellenses obsidentur, tormentis sexaginta nulla intermissione murum quatientibus urbs oppugnatur, parte alia suffocatur, alia quassatur: fit labes ingens, & à vultu urbis fonte ad Evangelii propugnaculū, quod vocant, moenia lacerantur: turris Cognensis a fundamentis evertitur; novies in urbem irrumpitur, novies Rupella collata in unum, omnium signa sustinet. Quid tandem? cecidit in irritum totus ille quàm magnus fuerat apparatus, stetit Rupella nondum benè degustata, fusæ obsidentium còpiæ, mutilati non pauci, trucidati innumeri, obrita prima acies, lacerata proxima, territa, dissipataq; postrema: viri Principes multi miserabiliter cæsi. Missa è tormento pilâ Dux Aumalæ interfectus, Dux ipse Andegavensis penè illa clade implicatus, nisi excus

nisi excussum in illum plumbum, fidelis armiger nomine Vinſius, interjecto corpore recepiſſet; ac demum undecim millia noſtrorum, calamitosa ſtrage deleta. O rupem hominibus inaccessam! O formidabilem hoſtem! O inexpugnabilem civitatem! qui pugnantium cumuli! ſed qui tamuli ſepulcorum! acceſſerunt innumeri, facile fuit numerare qui reſceſſerunt. O rupes! O clades! O funera! illa tamen Rupella, rupes illa, ille victor populus, populus ille tot ſerè palmarum, quot capitum, tibi LUDOVICE, relinquitur debellandus. Hic habes Cannas Annibal, hic Actium Auguſte, hic Ciliciam Alexander, hic Carthaginem Scipio, hic Pharfaliam Cæſar. Accedant recentes omnes expugnatores arcium, & ampullati rerum geſtarum amplificatores, ſuas expeditiones conferant cum obſidione Rupellæ. *Verum* jactant unum ſcilicet terræ jugerum. De quo quis viſo dicere poſſit, ubi eſt? Oſtendam ſuam oſtendant, illudne receptaculum paucorum de navi hominum, & exilium piſcatorum? *Rhodem* inſulam memorant, ſed ſinterceptam, & Chriſtianorum Principum auxiliò deſtitutā: *Jaliodunum* afferunt, ſed vaſto murorum ambitu difficile ad tuendum; *Melitam* prædicant, ſed belli caſibus ſuperiorem; *Viennam* loquuntur, ſed inexpugnabilem Solimano; *Metas* celebrant, verè metas, quia antiquo opere munitas,

munitas, Carolus tamen Quintus centum armatorum millibus fretus, non potuit transgredi: Nos Rupellam dicimus expugnatam à LUDOVICO, cæteris omnibus insuperabilem: Rupellam, inquam, non vastam amplitudine, non desertam infrequentia, non pressam angustiis, non rudi defensionem milite, sed in Regni finibus sitam, confœderatis gentibus finitimam, omnibus belli præfidiis opportunam; veteri quidem, sed multò magis recenti munitione formidandam: cujus portus non sit accersitus, fossaq; quæsitus ut Antverpiæ; non incommodus, & difficilis, ut Iccius; non periculosus ut Ostendæ; non vastus, ut Gratiæ sinus: sed tum loci natura, tum arte omni firmatus, ut incertum esset plus naturæ deberet, an arti; dum ars naturam superâsse, natura nullum arti locum reliquisse videretur. Tantus nimirum esse debuit, qui ad arma Regem tantum adigeret; alteri enim sit invictus necesse est, quemcunque LUDOVICUS oppugnat, qui cæterorum dum desperationem in victoriam vertit, & per acervatos confectorum hostium cumulos, suorum currus agitât triumphorum.

Metuenda quidem erat difficultas cingendæ civitatis, procellosissima præsertim anni tempestate; timendus hostilis exercitus, qui aderat è regione Rupellæ. Anglus ille mari cedere nescius, infinitis navalibus præliis, victoriisq;

riisq; superbus: moram fecisset alteri, locus ipse, qui stagnanti palude simul insalubris, atque subsidens, solis obsessuris erat relictus: occurrebat ingenium aecolarum, quorum maxima pars, ut erat hæresis labe corrupta, ob ipsam quoque viciniam poterat esse suspecta: commovebant omnes, priscae tum externorum, tum civium nostrorum historiae, qui tot, tamq; numerosis exercitibus instructi, toties frustra cum Rupella contenderant. Videbat Rex ipse rebellium horrea cumulari expilatorum populorum commeatu, spolia provinciarum in urbem quotidie comportari, quodque gravius erat, non præliò rem posse confici, sed locum, stagna, paludes, æstuaria, turbines, imbres, procellas, terras, maria, desperatosque rebelles esse ante superandos, quam Rupellam potiretur. O difficultates immensas! o inextricabiles series præliorum, laboresque perpetuos! quem non ista moles rerum oppressisset, quæ Regis animum omnibus difficultatibus celsiorem erexit! An putatis hoc aspectu negotiorum, bellorumq; nexibus esse commotum? audite quæ dixerit, dicturi sæculis, quæ audistis. Ibo, inquit, ibo Majoribus meis major, & nobile posteris argumentum; tulit superior ætas, quod secutura non feret, pereant, aut pareant; quos Deus nostro subjecit imperio; ad pedes cadat, qui mecum ad manus venerit, & infelix congressu, nobili-

nobilitetur interitu. Hæc oracula lituis, & buccina intonuit, conclamatum est ad arma, contractus exercitus, Rex ipse nondum è gravi morbo receptus, cum lectissima nobilitate fudit se Parisiis, militem rapuit, Rupellam advolavit, tenuit, cinxit, perdidit. In quo quid primum nos mirari jubes, Imperator; exordium belli, an exitum? celeritatem adventus, an constantiam obsidionis? hostis audaciam, an fortitudinem tuam? utrumque certè stupore dignissimum: nisi quòd teneor promissi reus, & necesse videtur seriem recitare totius belli, cujus difficultatem exposui: nos satis superq; hostis audivit, te videat aliquando: gaudeat Rupella de robore, dum te intueamur hoc altero orationis loco, de illius contumacia triumphantem.

Erat, ut diximus, concisus æstuariis locus, in quo uno castra metari Rex poterat, paludes interjectæ admodum insalubres, cælum crassum, solum lubricum, stagnum murum. Proh superi, per quot bella, ad unum bellum est ventum! Quoties certatum est, ut semel certare liceret; stagna oppugnâvimus primum, antequàm procellas expugnaremus, hæsit in palude nostræ militiæ rudimentum, ut in Oceano victoria tota consisteret. Solum arrisit disciplinæ, Cælum affulsit victoriæ, locus ipse visus est dedisse locum virtuti. Castra montibus vallaverit;

laverit Annibal, Tamerlanes in urbis modum
 ædificârit, Attila militaribûs pellibûs obruerit,
 sarcinîs Græci, curribûs Germani, testudine
 Romani se texerint: tu, Rex inclyte, qui no-
 lebas suffurari victoriam, in aperto campo se-
 disti. In hac, inquam, æquata planitie noster
 explicatur exercitus, ut hostis implicaretur;
 inferuntur signa, ne lateret adventus, urbs ex
 itinere salutatur, adeò expatebatur. Dum
 hæc geruntur, vidi sortiri vultu perduellem,
 terrere gestu, spe ipsa diripere. Nutâsti, cre-
 do, furiosa rebellio, cum te foris LUDOVICI
 JUSTITIA, domi conscientia sceleris obside-
 ret; impalluisti, quæ ruborem amiseras, nun-
 quàm alba magis (quippe te urbem Albam
 prædicas) quàm cùm alba Imperii Lilia suspe-
 xisti. Sed quò à rege discessimus; imò verò
 quò Rex discessit à nobis? avolavit celeritate
 victoriæ, en jam toto Rupellæ ambitu se ma-
 jestas illa diffudit. Virtus nullis limitibûs con-
 tinetur, sed impatiens claustrî, ultrò se jactat
 sui nominis, & numinis explicatrix. Parùm
 fuerat scilicet labore superâsse loci naturam,
 nisi artem victor ingenio superaret. Toto
 igitur continenti propugnacula jubet excitari,
 aggeres extrui, vallum duci, triumq; leucarum
 circuitu, Rupellam fossis juxtâ & interpositis
 statiunculis, ad communicationem armorum
 circumscribi. Secuta est Ducis imperium ce-
 leritas

leritas operis inusitata hic vallum ferre, ille
 camenta convehere, lapidesque portare, palus
 alius defigere, alius humum egerere, cespitem
 moliri tectum, fingere, inducere, cumulare,
 exaggerare; sui quisque gradus oblivisci, digni-
 tatem labore metiri meritum opere, major il-
 le prædicari, qui actuosior, ille præfici, qui plus
 aliquid perfecisset, per se quisque demum
 contendere, ne illo laboris certamine vince-
 retur. Addebas interim fatigatis alacritatem
 humanissime PRINCEPS omnium onera vul-
 tu portabas, laborem nutibus sublevabas, opus
 laudibus compensabas. Quid extulistis tan-
 topere prisca monumenta Dionysium, quod
 sexaginta millia operarum exerceret, cum mor-
 nibus areas Syracusanas ambiebat? quid Nero-
 nem historici? quod humeris corbem ferret
 cum Isthmum Corinthiorum perfodiebat? quid
 Caracallam annales? quod semper laboris ini-
 tium faceret, cum in castris agebat? quid Ma-
 nuelem Commenum Græci, quod saxa vehe-
 ret, cum Dorylaeum renovabat, quid Constan-
 tinum Romani, quod terram foderet, cum ma-
 gnificentissimi templi fundamenta jaciebat?
 LUDOVICUM habent Galli qui singulis mi-
 litibus adlaboret. tantum ipse conficiens ope-
 ris quantum imperet universis: architectus in
 opere, miles in vallo, dux in agmine, ubique
 Augustus. Sed ut video, dedignaris hanc lau-

dem, sapientissime REX. Tua tantum esse putas, quæ tecum nullus alius fecerit; mavis ferre virtutis, quàm laboris encomium, illa in te egregia, hic tibi communis cum milite fuit. Pugnaverat Imperator ingeniosa cõpositione castrorũ, reliquũ erat, ut disciplina, & ordine militiæ triũpharet: scripsit ergo militibus suis eas leges quæ ut sibi scriberẽtur cõtendere ipsi debuissẽt; docuitq; prius vincere morũ integritate quàm firmitate nervorũ. Et quidẽ quisquis in hæreticos pugnaturus est, debet virtute quàm manu certare validius. O novam bellorũ faciẽ! novumq; genus oppugnationis! hætenus creditũ usu bellum sinẽ cæde, sinẽ facinore, sinẽ cõtumelia Numinis geri vix possẽt, sed ex quo nostrũ militẽ vidimus à cruore, à libidine à cõvicio tam alienũ credi caput inter ipsa arma, locũ esse virtutis scelusq; nõ stipendiariũ esse belli, sed voluntariũ administrũ arbitrii. Quid quod totũ exercitũ cõcolori veste donavit, ut qui corporis cultu similes essent. solo animorũ ornatu distingverẽtur, & quantũ alii bombyce, & purpura nitere amant: tantum ipsi virtute cæteris eminerẽt. Ibant olim milites in aurea veste sub Antiocho, in picta chlamyde sub Sertorio in purpura sub Cleomene, in expolitis armis sub Cæsare, in rubẽti scuto puniceo sub Agesilao, in fibulatis aurõ caligis sub Aureliano, in amictu argentea cruce signato in sagulo sub Artaxer-

Ar
sta
ver
rio
fer
ritu
dat
bũs
buc
fig
pro
dis
rib
qua
etæ
dra
om
tan
qua
sed
claf
litte
mul
ren
citr
piat
ext
fori

Artaxerxe, in candēti tunica sub Cyro, sub Cōstantino Iērunt nostri sub LUDOVICO in veste nō ad delicias molli, nō ad pompā ambiriosa, sed ad militare robur & pugnā accincta: ferrō, non aurō miles indiget, bellū ardore geritur, non nitore.

Interea dum vestē milicū cōtemplamur, nudata est suis arborib9, vitib9 hortis, legete sepibus tota quæ ad Rupellam est, planities; distributus in classes, & manipulos exercitus, defixa signa, obtentæ pelles, substructa longo ambitu propugnacula duodecī inter se fossis cōtinuata, dispositæ ex intervallo, vigilib9, & excubiatorib9 stationes descriptione multiplici, rotundæ, quadratæ, extantes, depressæ, projectæ, subductæ, lunatæ, cyclicæ, hemicyclicæ, triquetræ, quadrangulares, variæ: perduellis, deniquè civitas omni à terra aditu prohibetur, cavendum est tantum, ne evadat Oceanò. Nōdum, ut fatear, qua parte vastissimo sinu alluitur, cōclusa erat, sed adhuc sedebat in portu, quia portū nōdum classe tenebamus; quàmvis enim ex utroque littore fortissima castella obijcerentur, unde multa uno ordine tormenta in navigia detonerent pervium tamen erat mare, & facile ultrò citròq; cōmercium. Quis hanc Rupellensi eripiat facultatē? Venerunt quidē in suppetias exteri, ut hostē ab insulis nostris expellerēt, sed seriùs appulerunt, sive quòd graviores naves

ducerent, siue quod obsessam insulam (quàm
 ream esse omnes intelligunt) unus LUDOVICUS
 Justus posset absolvere. Etsi verò nostra
 felicitas invidit illis victoriæ gloriam hoc tamē
 fortissimi iudicādi sunt? quod soli mare tenuerint,
 quod eos nō expectaverit Angl9, quod nul
 l9 obstiterit: & qui tardius venisset, prius vi
 cerint hostē, quàm viderint, est inexperti, teme
 re in negotiis ruere: lentē festinare sapientis:
 At at, dum ista præsidia moras trahunt, tenet
 oceanum Rupellēsis eripienda sunt illi maris
 effugia. Huc agite vestros myoparones, minu
 tissimosq; pontones Armorici huc scaphulas &
 lembulas Aquitani huc aphractula, & actuariola
 Cantabrig9 Gall9 poterit in liburnis, quàm
 in rotundis & cōstatis navib9 Anglus. Ita fa
 ctum est, non sinē omnium stupore, navigos
 lembulis, myoparunculis, vectariolis velocibus,
 celeribusq; cursoriis mare tenuit LUDOVICUS,
 añum ipsum pugnare paratus, si hostem is ani
 mus habuisset. Quis credat Epibadib9 cataphra
 ctas, liatrib9 rostratas Britanorun classes susti
 neri potuisse? Fuerit illud ad fortitudinis spe
 cimen erit quod sequitur ad terrorem.

Non satis erat classib9 insultasse, ni insuper
 insultasset Oceano: machinatus est igitur ali
 quid, quod homines satis mirari nō possēt, ipsa
 maria pertimescerēt. Intelligitis quod mea spe
 ctat oratio, jamque suspicitis ædificatum in æ
 quore

quiore vallum illud, carceribꝫ frānatos impetus
indomiti haētens pelagi, ne rebelles à jugo se
lib ros fortē putarent, ubi mare libertatē anit-
teret. Quis posterorum cūm legerit, humanō
cōsiliō factum putet? quis perduellium cūm vi-
derit, neget pelagū justitiæ stipendiis militasse?
quis barbarorum cūm acceperit, testes oculos nō
adhibere volet ad fidem? Illi ipsi qui quotidie;
videbant formidabiles illas moles, qui pedibꝫ
calcabant, qui militares in illis excubias agebāt,
suis sensibꝫ nō credētes, eō laborabant persua-
sione pertingere quō Regis fortitudo pervenit.
Jacienda moles erat quæ totum sustineret O-
ceanum nec ventorum quassata turbinibꝫ, nec
fluctuum assultibꝫ verberata, nec æstus inun-
dationibꝫ superfusa obrutaque titubaret Pii
principis erat hoc patrare miraculum, nemo id
si maximē vellent præstare potuit, per LUDO-
VICUM XIII. qui primū voluit; potuit quod
solus. Mare impatiens operis videbatur: nisi
immensi laboris patientia victum esset disce-
retq; per gradus subigi, & lævientis freti incle-
mētia imperiosō frānō cōērceri. Unius numinis
est mutare sedes elementorū; æternosq; rerum
cursus obice temporario sistere; paret DEO na-
tura omnium parens cæteris hominibꝫ impe-
rat. Summa erat altitudo maris, sed altius adhuc
Regis ingenium? rapidus vortex, sed stabile
cōsiliū Ducis; dubii casus, sed certus, & con-
stans

stans militis animus; varii undequaque metus,
 sed una omnium spes, facilius esse nostro Prin-
 cipi, quæ vellet efficere, quàm quæ efficeret, vel-
 le qui rerum successus sua voluntate definiens,
 & si majora, quàm cæteri omnes, fecisset in Gal-
 lia, fecerat tamen semper minora, & minora vi-
 ribus suis, Quid? jaci cœpit illi prodigii rudimen-
 tum, qua parte fretum erat angustius, tatis lō-
 gō tamen intervallō ab urbe distitum, ne si re-
 motius esset, architectorum laborem vinceret
 profunditas alvei; si vicinius, labore hostium
 vinceretur, & noceret propinquitas teli. Prin-
 cipio igitur defixæ sunt ad cōtinendam futu-
 ram struem parte omni trabes ingentes alia
 transversæ, & decussatæ; ut demissos lapides in-
 geniosis quasi brachiis amplectereretur; erectæ al-
 iæ ut primos impetus frangeret, undas super-
 ciliō deterrent: quædam in quadrum ductæ,
 commissæque quadrandō, stabiliendoque operi,
 quædam in propedē, talumque projectæ, ut illa
 machinarum declivitate, mollique dejectu ele-
 mētius fluctus exciperetur, ipsosque inoffensos
 inoffensa molitio retunderet pelago. Ingesta
 subindē generis omnis saburra, maxima vis la-
 pidum temerē jacta in profundum, superaddita
 cumulo prægrandia pondera, nondum tamen
 oppleri potuit barathrum, sed dum helluatur,
 accepta, novis pabulis inhiat, quin ponderibus
 attollitur, effunditur & amplificatur in vinculis;
 insatura-

insaturabilis nempe quædā est fames, inexple-
bilis alveus, & alvus Oceani, parte omni fauces
aperit quā pabulū objeceris. hac vorabit & sa-
turitate voracitatem accendet. Quis illius in-
temperantiæ mod⁹ sit, & finis difficultatū? op-
posita quidem fluctus eluctabantur repagula;
sed adhuc soluta machinatio sinē compagibus
erat, sinē commissura sinē cæmento, suis tantūm
librata firmataque ponderib⁹; hiabat malè ma-
teriat⁹ murus, aquas transmittens: cōserti sinē
ordine lapides cum fluctibus volvebantur, &
trahebantur in præceps; temeraria demū, &
indigesta illa substructio, nullo nixa fundamē-
to, hosti risus ciebat, metum afferebat militi, a-
nimos addebat Regi. qui malit cum natura lu-
dari, quā cum fortuna triumphare. Nequē
verò diu stetit sinē nexu fabrica, sed se ipsas a-
quæ prodiderunt, quæ dum se in rimas saxorum
insinuant & crudum parietem interluētes ten-
tant incōditam laxare cōpagem, secum cœnosā
uliginem cōvectabant, & luto quovis glutinō
tenaciori congeriē aridam officiosè adstringe-
bant: perviū murum repererant, sed aquis suc-
cedētib⁹ limo incrustatum relinquebant: tran-
sibant fluctus nunquam redituri, & rimas im-
plebant, qui labes facturi videbantur immanes.
Quid porro? Hacænus successerat labor, sed
(ut fert natura magnorum operum) difficultas
crescebat in manib⁹, & quæ fuerat initio ma-

xima. major erat in progressu: Etenim quò ma-
 gis ab utroque littore molitio recedebat hoc gur-
 ges altior erat, & quèlibet aggerem vasta vora-
 go sorbebat avidius, æstus ipse turbulentiùs a-
 gebatur. insana fluctuū volumina mediò alveò
 atrociùs bacchabātur, nostraque repagula qua-
 si sibilos explodebant mugitib9 indignabātur.
 Jam deficiebat materia, quā tam ingens chary-
 bdis impleretur. & nisi latomix fuissent. supra
 quàm credi potest, uberès, & fœcundæ, periculū
 erat, nè lapidum penuriâ, fabrica nostra pende-
 ret, sed tam dives vena fuit, ut ipsa saxa sub
 manum, ferrūque subolescere videretur. cædō
 esse dixisses lapidum nemus, quod depastum
 sylvesceret, grandesceret imminutum: Hæc tam
 fertili, & copiosa officina fretus, maturare cœpit
 Imperator obsidionem aquarum. lapidicinas re-
 centes aperiri jubet, novas rupes excidi. omni
 contentione opus urgeri, conferri fragmina
 montiū sylvas adhuc ingeri, totas terras undis
 inferri, glebas faxis saxa aggere aggerem ne-
 more, nemus scopulis scopulos montib9 acerva-
 ri obviam; igitur materiam pro se quisq; rapere,
 molaria pondera in mare volvere. terræ pene-
 tralib9 pelagi viscera saburrare elementū ele-
 mento confundere. Stetit illa tandem vasta,
 operosaq; constructio veluti porticus toto emi-
 nens pelago cōtinenti ordine fabricæ, nisi quòd
 in medio salo apertus erat tolerabilis aditus,
 ne om-

ne omninò maria desperarent. Nolebas enim prohibere REX PRUDENTISSIME ne fluctus laberentur ulterius sed cohibere rebellionem, ne iterum elabi posset; duxisti quippe ab utroq; litore molitionem directam, sed medio alveo pendere iussisti obruptum opus, aggeremque continuare noluisti, ut omnes intelligerent nò quantum posses, sed quantum velles fecisse te, qui poteras æstum frænare, quia iussisti, cui viam faceres, quâ volebas iter undis reliquisti, ut rupto murò contumacem urbem cumulati fluctus invadentes, pergerent ad rebelles tuæ fortitudinis nuntii, spumantique fremitu loquerentur, quàm ægrè, sinuosèquè transissent. Quanquàm enim medio moles hiarer Oceano, defendebas tamen intervallum illud multiplici lignearum machinarum ordine & hinc quidem quâ se mare latius aperit, longa serie candelabrorum ut vocant naufragiis prælucebas: inde verò quâ itur in urbem, demersis onerariis junctoque navium inædificatarum rudente, hiatum incluseras ut nullus accederet, qui firmitatem operis non probaret, ibique fortior esse videreris ubi vel robur muri defecisset. Sic mare navib9 fræno, machinis obice milite, ponderib9 tenuisti. O convulsos cardines rerum! O domitas naturæ vires! O huiusmodi miracula! hæsit in labrice firmissima moles! non fluctuavit imposita fluctib9! vortex fregit ipsa non fragilis!

gilis! ruentis pelagi fremitus audiit statio fur-
 da, quæ dum obluctatur Oceano argumentum
 furoris est hosti, exemplum constantiæ militi.
 Onunquam audita prodigia! stant aquæ! flu-
 ctus ipsi pendent! credo admiratione librati,
 contra natant terræ, non nutant tamen sed in
 naufragio portum tenent! Nostri milites pe-
 dib9 ire, quæ nulla præcessit exemplô, nulla se-
 cuntura sit ætas ingenio! tormenta rapere
 quæ vortice rapitur unda citatior! excitare tē-
 pestates in sicco! portum in tempestatib9 col-
 locare! ignes in aquis accendere! terris maria
 sociare! Est adhuc in ista oppugnatione, quod
 plura, quàm expectaremus, Regem perfecisse
 miremur, nec illis similem extitisse, qui nihil
 decretent, dum nihil impleant operis. Satis e-
 rat nobis; si superiorib9 annis prætendi freto
 catena ferrea potuisset, quæ maris commercium
 interdiceret hostib9; ut autē Rex tot onerarias
 in mare demergeret; ut tot mutalib9 machinis,
 missilibib9que littus utrumq; defenderet: ut
 trabes illas solidissimas nexis capitib9 excitaret,
 ut crudo aggere, glebisque structilib9 tam fir-
 mum luctamen procellis obijceret: ut super his
 molib9, fluctuantique vallo, suum armamenta-
 rium collocaret; ut sinē classe classem Anglorū,
 classem undarum classem turbinum retardaret,
 nullus ausus esset corpore. Rex solus votis o-
 mnib9 major, restantib9 licet Aquilonib9, &
 contra

contra nitentibus frustra tempestatibus perficere
 potuit. Quoties enim procellas infremuisse
 purandum est, & imanes aquarum moles nostris
 molibus opposuisse? ut canes, sic fluctus objectis
 lapidibus adlatrabant: morfu invadebant, sed in-
 ani; Irruebant odio turbulenti, recedebant metu
 exalbescences & (pumei, viso hoste timidi, qui
 ante pugnam tumidi ferebantur. Alii repulsam
 inique ferentes, imani se supercilio tollere, val-
 lum saltu transmissuri: alii verso in succeden-
 tes undas furore, eas vorticibus absorbere, tarda-
 re, & fugare se invicem ut postremum agmen in
 bello sisti fugarique solet, cum fractum primum
 occurrit: illi ruere acriter & toties victi toties
 rebelles, renovare conflictum: isti demum despō-
 dentes animo, se victrici moli submittere, & tu-
 more in reverentiā mutato libare oscula blan-
 disque illapsibus adulari. Seio multis olim flu-
 minibus impositos pontes & sæpè calcatā à ma-
 gnis Imperatoribus aquarum esse superbiam, sed
 hi omnes, aut in opere statim, aut brevi ab ope-
 re corruerunt. Junxit Hellesponi quondam
 angustias conexa classe celebris ille Persarum
 Ductor, sed quid factū illud habet miraculi? cū
 hæc sit nativa classium sedes? simili navium cō-
 tabulatione Bajanum sinum stravit tertius ab
 Augusto Imperatore sed utrum majus videatur
 puppes intulisse vel terras Oceano? fecit in Mū-
 da flumine Julius Cæsar strage cadaverum ag-
 gerem,

geren, sed ipsi fluctus mut. vère colorem suum,
illum obicem erubescences; Adit quoque Ty-
rū Alexander navigabili ponte juncturus in-
fulam continēti, sed diū fluctuavit illud opus
sinē fundamento idque semel hostis incendit,
non semel æstus abripuit. Legimus etiam sa-
xeis pilis castigatā à Trajano. & Constantino
Danubii Rheniq; ferociam, sed arduum non est
fluviiis silentib9 insultare: aquas Bojas ad Arver-
num lacum deducere tentavit Nero, sed hoc po-
tius conducti fossoris inventum est, quàm Ro-
mani Imperatoris, qui tan illō tamen negotiō
victus, opus abjcit. Unī quippè LUDOVICO
concessum est ex omnib9 hominib9, non auge-
re rivos, non fossas ducere, non aquas avertere,
non pontes jungere, non naves cōpolare, non
paludes exhaurire (in quo quæ potest esse tan-
ta victoria?) sed ipsos fluctus quàm spurci sint,
maria quàm procellosa tempestates quàm tur-
bulentæ obice facto concludere. Venit fortasse
in laudis istius partem Maximianus Imperator
accedere, quem Rhetor Belga nescio quis Galli-
arum urbem, portu insignem oppugnaturum,
defixis in sinūs aditu trahib9, saxiq; ingestis,
in vium navib9 locum reddidisse cōmemorat:
ac illa claustra (ut ejusdem Rhetoris verbis utar)
qui primus insiluit, æstus irrupit; totaq; hæc ob-
jecta fluctib9 moles quasi signō datō ac pera-
cta statione dilapsa est. Nefas est autem simile
quidpi-

quidpiam de nostri Principis opere suspicari,
 ibit miraculum istud ad posteros; seseque ferēt
 īmortalī rōte nostrā repagula fortiora procel-
 līs omnibꝫ, ipsoꝫ; profundō profundiora Optā-
 rint majores nostri ut istud aliquando fieret,
 quod ipsi facere nequiverunt: scient nepotes
 fieri posse, quod factum est: furoris sui termi-
 num invenerit pelagus, terminus hic terminū
 nō habebit, monumenta fient, postquam clau-
 stra esse desiērint: pœnas qui vivunt, rebelles
 sentient, qui venturi sunt aliquandō perti-
 meſcent: docebitur omnis ætas, sponte verti
 elementa, ut rebellionem everrant, ruere flu-
 ctus, ut hæreticos obruant qui pati noluerint
 Regis imperium, quod mare sustinuit Sed par-
 co prædicare victoriam, quamdiu cum hoste
 pugnatur. Ecce enim Anglus turbat adhuc,
 quantum superiori bellō ad Rheam insulam
 īminutus est viribꝫ, tantum crevit audaciā,
 superbus dum corrui; animosus dum multā-
 tur. Nondum se à proxima clade receperat,
 cū victoriis nostris institutus ad prælium, cē-
 ravit semel atq; iterum nostras vires primō fa-
 cta excursione tūm simulato impetu perrum-
 pere, magis repagula. O stolidum, & Abderitā:
 quasi cū firmissimo muro, cū numerosissi-
 mo exercitu, cū potentissimo Rege, illum
 sustinere non possemus cujus clasē antea sine
 navibus fregeramus. Quamquam ut video,
 furor

furor rebellium ad istam impudentiam animatus est. Erexerunt enim pro muris proditores patriæ Rupellenses vexilla Britanica; ô infamia! victos victi ipsi vocarunt in auxilium ô deméntia! Lutheranos Calvinistas, cives externos, Galli Anglos ô desperationem ultimam! ea vos signa fustulisse (nefarii desertores) quæ recens nostro mihi ludibrio fuerant! scilicet illa vos oportuit explicare, tum ut barbarorum esse, non Francorum illud scelus ostenderetur, tum ut rex noster duos hostes uno bello conficeret; sic enim visus est eodem tempore Gallus in Anglia, Anglos in Gallia vincere. Venit fulminaster Anglus, stetit in conspectu citra ictum tamen, quia ferire noluit, sed aspicere prospecta nostra mole hæsit attonitus, illac tuos milites aditum inventuros non credidit, quæ vix ipsi fluctus viam haberent, ratus occlusum esse navibus mare, patere naufragiis. Explicate tandem Britani consilium vestrum, quæ causa adventus fuit? quæ tam diuturnæ moræ: quis arcanum illud aperiat? advolastis celerimè distissimè stecistis in anchoris; vela explicuistis, animos contraxistis: signa multa, signifer nullus apparuit: Leopardos vidimus in vexillo, lepores experti sumus in prælio: quàm similes vobis Angli; quàm vestris navibus dissimiles extristis? vos animo pumiliones, Alæ coagmentatione proceræ, hoc solum habuistis

buistis cum illis simile, quòd illæ tardæ ad motū
 erant, vos ad præliū tardiores. Enigma fuit ad-
 vêtus vester, palnè ducēdi fuerant divinatores,
 qui solverent. Alii nō Naumachiā, sed Bacchi-
 cam expeditionē esse dicebāt, vino Aquitanico
 metuēdam: in qua plūs meri fundendum esset,
 quàm sanguinis: alii visēdæ obsidionis, alii orā-
 dæ veniæ gratiā, nemo prælii causā venissē su-
 spicabatur. Qui semel fractus est hostis, cōtēni-
 tur, nō timetur: nisi prædones in nostras insulas
 emisissetis, dubitare potuim⁹, essetne hominib⁹
 vacua classis vestra, quæ in Oceano velut in ma-
 ri mortuo iners, & otiosa cōsisteret. Puduit il-
 los tandē ignaviæ: reverti in Angliā sinē vulnere
 noluerūt, facturi plagis fidem audaciæ. Quis eos
 fortes putaret, nisi provocāte hoste pugnāset?
 quis cum Gallis crederet cōrēdisse, nisi vulnera-
 ti redirēt? Simulacrū ergò exhibuēre prælii, quod
 ut magnū nō fuerit; fuit tamē honorificū nobis,
 Rupellēsi⁹, Britanisque fatale, deduxēre naves
 in aciē, explicuēre vexilla, machinas disposuc-
 rūt. Gratulari sibi tam beatam diē milites no-
 stri, se victores dicere, ex quo pugnare liceret,
 increpare tarditatē hostiū, votis occupare cōfli-
 ctum, equites littus tueri, pedites molē, alii Ru-
 pellēsi⁹ opponi, qui exciperēt erupturos, alii
 ad Anglos præmitti, qui segnes irritarēt: quid?
 lacessitus Angl⁹ celoces incēdiarias ipse frigid⁹
 in nos misit, signum dedit buccinā, sed re-
 ceptui

ceptui: tonitrus tor metorum edidit, quanquam non surdi eramus ad prælium: fragore pugnavit, & sibilo, sed cōtra ventos: bombꝝ fuit, præterea nihil. Tormēta audivimus, nō sensimus: ignes aspeximus, sed fatuos: fumum vidimus, sed qui nobis splendorē afferret, hosti elicere lacrymas: ardebamus animō, dum pice, sulphureque lucebat; lucebamꝝ in armis, dum Andabarta pugnabat in tenebris. Quid tu interea, LUDOVICE? quā diligētīā simulātī pugnā Anglo occurristi? quā prudētīā tot naufragos ignes avertisti? quā providētīā, terra, marique legiones intruxisti? quā aptè librāsti machinas, quā opportunè displodi imperāsti? quā unus fuisti; quā multiplex? quā diversus in uro, quā unus in omnibꝝ, cum simul Anglos lacefferes, simul Rupellēses obsideres, simul de utrisque triumphares? Ecquē verò nobis de tua salute metum injectum putas, cum tor periculis caput objiceres, & tuo capiti salus totius Gallia vertetur? meminimꝝ militi speculā tibi editā molienti, undè citrà periculum periclitantes videres, iratum imperāsse te opꝝ illud cōtinuò destrui, cumque omnes, à te deprecārētur periculū, addidisse. Nolle te aestimari de milite, nec per quā triumpharēt cæteri, vincere; sed per quā ipse vinceret, cæteri s in otio triumphare. O si animus ille pugnāset, quā exempla militi, quā argumēta dedisset historia? Sed qui hunc ardorē
aspexit;

aspe
suba
set,
C
proh
angu
jugu
prac
rum
rerē
rum
dui f
scēsu
perd
stula
dispo
pro l
tiz
casæ
liliat
string
majo
Præ
exitu
ad de
diq;
specu
furea
excip
vallo

aspexit; incēdium timuit; imò tuo uni9 cōspectu
subactus hostis recessit in fluctus, ne si appulis-
set, pateretur in terra naufragium.

Quid ad hæc fœdifrag9 Rupellēsis, toto mari
prohibit9, terris omnib9 depulsus, orbe cōclusus
angusto, & orbe exclusus universo? quas restes
jugulis attēperabant? quas in mari voragines ad
præcipitiū vestigabant? Iminebāt Urbi per gy-
rum duodecim horrēda propugnacula, quæ ter-
rerēt aspectu, fulminib9 horrerēt: cernebantur
tumulis impositæ lōgis suspectib9 speculæ: ar-
dui fossarum anfract9, descēsu ipso difficile s, a-
scēsu insuperabiles occurrebāt: videbāt inclusi
perduelles, enormia sibi quotidie parari erga-
stula, stataria castra dies lētos in pellib9 ducere,
dispositas esse omni parte excubias: obiicebātur
pro lorica castrorū munitiones lunatæ, cæmēti-
tiæ gerræ, crudæ opere cespitio subructiones,
castræ subterraneæ, valla protuberantia: patebant
liliata Gallix signa, quæ vel suo candore per-
stringerēt rebllium oculos: succedebant sibi
majori portento, quam fide cōtinuata miracula.
Præterea nulli accessus nisi ad pugnam; nulli
exitus, nisi ad exitium; nulla colloquia, nisi
ad deditiōē faciendam; miles undique, & un-
diq; miles: arcem fossa, fossam vallum, vallum
speculæ, statio, stationē desperatio, desperationē
furca unō, mortis tenore, ordineq; fatorum
excipiebat, tenebantur denique fossis, aggere,
vallo, ferro, cuneis, agmine, quid facerent? sed

hæc tan-

hæc tantum mali præludia. Accedebat ultima, fames, telum quo nullum est in bello crudeligo quia simul ignavè & atrociter perimit. Jam commeatus omnis erat absumptus, herbarum fibris, Solati erant in ediam radices in hortis mures in rutis cælis domorum, canum, equorumque morticina defecerant in stabulis: frixum elixumque atro jure coriû, & maceratas ocreas devoraverant; lethales venenorum succos in cibum verterant; in deliciis erat cicuta, auro toxica vendebantur; citrà pretium erat, quod citrà horrore dici nō potest, difficilius erat vivere, quàm perire: & in funesto illo mortis vitæq; cōfinio, nec vivere licebat, nec mori. Nihil tam præsens, quàm fatum, nihil tam remotum, erat, lōga tabe lōgiora crimina mulctabatur: vita trahebatur ambage malorum, & multiplicatis funeribz multiplicabatur in poenā mors deniq; cum vita cōsenserat, illa ut votum, hæc ut suppliciū fieret. Tam misere hæretici vivunt, tam ægre rebelles intereunt. Reptabant in cōpitis homines strigosi, macilēti, capulares, sine carne pelles, exangvia filicernia, tenues umbræ imitationesq; vivorū, pallida mortis cōpago, cōtinuati ossibz nervi, vacui vētres, & queruli; viri, nō jam viri, sed ferales hominum larvæ. Male ominosus erat occurſus civium, crescebat mutuo aspectu calamitas, dum quisq; legit exaratā in alterio fronte capitis sui sententiā, & tanquam in morris speculo, iminētis funeris imaginē intue-

tur: ul-

tur: alter alteri mœstum divinæ ultionis fiebat exemplum. Se morti occurriffe putabat, qui in fratrē inciderat: omnes lōgâ macie torridi vīdebantur, mulctati reorum vultu, cadaverosæ frontes, recedentes oculi, cōsuta genæ, jejuna labia, otiosi dentes, & longi, subductum mentum, hiantes fauces & aridæ. Digni erant tali jejunio jejuniorum nostrorum irrisores. Quid plura? ipsa mors visa est laborasse fame, ita ventre insaturabili omnes hallucabantur, in urbe funerib9 funera cumulabantur: mors desiderat esse terrori civib9, quàm usu quotidiano domesticaq; cōsuetudine familiarē habebant: timorē sublato desperatio succedebat: calcabatur temerè, & sine horrore mortuorum acervi non lugebant aliorum mortē, qui suam expectabant: nihil filius patris obitu movebatur, quia naturam fortuna: unum omnium votum perire citò; metus lōgius vivere; lolatium quàm plurimos socios mali futuros. Projecta jacebant interea in sepulchralib9 viis sine sepulchro cadavera, & nuda humo, nuda ossa volvebantur: Cælo tegebantur corpora, quorum animæ apud inferos flammabantur: domus in sepulchra transierant, tamē erant omnes insepulci; nulli, qui efferent, aderāt, soli occurebant, qui efferretur, Hæredes morietib9 nulli, nihil ipsis etiam vermib9 jure funerū relinquebatur: qui bonis succederet, null9 erat, malis universi succedebant.

Præterea dicebatur receptos Anglos, eò venisse
 furoris, vel cruentis hominum artub9 pasceren-
 tur: ferales nescio quas matres, quo effuderant
 utero, eodē filios recepisse: alios corpus suum
 aluisse minuēdo: invētum esse puerum, qui fa-
 mē crudis demorui fratris carnib9 satiaret: sa-
 lita esse distractorū quorundā militū membra,
 similiaq; voracitatis portēta occultē memorabā-
 tur. Rupella deniq; in carnariū versā erat: ve-
 ros Tydæos & Menalippos, renovatas Busiridis
 aras, furiosaque Diomedis præsepia videbamus.
 Nulla in Urbe sal9, quot cives, tot Sandapilarii:
 tot Massaghetū popæ, tot carnivori Cyclopes, tot
 esse funesti carnifices credebātur. Hic amissū
 filium in mortuorum acervo, quasi publico spo-
 liario quærere: hic enectum fame abicere, hic
 discerptum, & laniatum suspicari; Omnes deni-
 que pl9 caninā libidinē dentium, quā mortem
 ipsam, famēque timere: Quid, inquam, facerēt?
 in restim rei sumā redierat; sola supererat ob-
 fesso, aut clemētia Principis, sed noluit experiri:
 aut proprii ferri voluntari9 rigor, sed clam pe-
 rire nō meruit. Ubi grandes illi spiritus, quib9
 nostros exercit9 diffilare posse credabatis Hæ-
 retici? ubi folles illi minarum, magnificæque
 verborum pōpæ? ubi supercilium illud cui tan-
 tæ victoriæ tantæq; tragediæ nitebantur? O! re-
 rum cōversiones ò / improvissam calamitatem!
 tantis tamē criminib9 debitā! ò famē! ò turores!
 ò lanie-

è lanienam! Fidè jam habeo añalib9; cùm Cā-
 bysis exercitū referūt eò fame fuisse cōclusū, ut
 decim9 quisque miles sortitò mactaretur ferculū
 inhumanū futurus; nō inficior eò venisse cala-
 mitatis Romanos, cùm obsiderētur ab Alarico,
 ut in Circensib9 ab Honorio Imperatore flagi-
 tarēt, humanæ carni pretium poneret: nō ne-
 go Cassilinos eò angustiarū redigi potuisse, ut
 apud illos mus ducentis numis unus venierit,
 cùm Annibal imineret: nō revoco in dubium
 Calageritanorū inedia, qui ne in Pompeii ma-
 nus venirēt, uxores suas, liberosque sale cōdi-
 erunt ad pabulū; nō duarū mulierū illarum fu-
 rorē, quæ Romæ, opugnāte Urbē Vitige, septem
 suprā decē milites jugulatos devorarunt: non
 Judæorū decantatam illam cladē qui absum-
 ptis denique omnib9, ad sterquilinia cœnumque
 cōversi sunt. Fidè horum omnium facit Rupel-
 lēsis calamitas. Saguntinā, Perusinā, Meliænam,
 Cōstantinopolitanā, Lydiā, Hierosolymitanā,
 Potidæā famē datur aliis legere, nobis datur in-
 tueri, dum Rupellēsem videmus. Negotiosus
 interim in otio miles noster habitabat in tecto,
 sine armis præliabatur, Urbē obsidebat oculis,
 ludens vallabat, pacē alebat hoc bello, bellum
 hâc pace cōficiebat, relinquebat, hosti moriēdi
 spatium: Quanquā eos perire noluisse Clemen-
 tissime Princeps, qui spontè perierunt, ne tuo
 beneficio viverēt: perditos ita perdidisti, ut ul-
 tra sâvire non possent, neque tamē ita sâvistii

ut omnino perderetur: Iratus es illis, ne diutius fureretur: latissimo ambitu conclusisti, ne premerentur; vallasti, ut custodires; custodisti sine caede, ut ipsi suâ sponte cederet; fecisti denique sine invidia sanguinis, quod à me dictum sine invidia mēdacii nulla postea natio crederet. Prædicabitis posterì bellicosam illam quietē, & pacem expugnatricē, dum agros sanguine naufragos, terras cadib9 erubescētes, exhaustas habitatore provincias, fluvios mactato cadavere retardatos, famosasque lanienâ victorias, duces barbari prædicabunt. Sunt illa gladii lucra, non sceptri; furoris irrita mēta, non belli præsidia: virtute, non crimine bella geruntur: cruore victor impotēs, clemētiâ moderatus vincit. Ergo noster Imperator pace maluit incruenta, quàm funesta palma, potiri; maluit vincere, quàm necare.

Non te mover hæc pietas, desperata Rebellio? resistis adhuc tot fracta virtutibus? Cede Rupella, cede clemētiæ, nisi parueris, cessura iustitiæ. Vive Regi, vel morere tamdiu rea, quādiu clausa: tam improba, quàm hæretica; disce occumbere, cum pudore, quæ sine fronte vixisti; disce cadere, quæ toties cecidisti. Anglus desperat, Soubisius exulat, Rohannus tenetur, mare concluditur: omnia te ad exitium rapiunt, fames enecat, Rex obsidet, conscientia exanimat, quid dubitas? pone superbiæ metas, pone modum audaciæ. Restitisti rebellis, cedendum est

dum est Principi. Cessit, portas aperuit, Regem accepit. Triumphate Galli, LUDOVICUS superavit: fortitudini regiae ignava superbia, pietati perfidia, pertinacia necessitati succubuit: Imminebat hyems, absumptus erat omnis comestus; reditum parabat in Angliam tam sæpè fractus Britannus; Accedebat in dies ad regia castra voluntarius miles; exaggerabatur magis magisque moles in Oceano; audiebantur in urbe misera- biles morientium voces, muliebres ejulatus, clamores inconditi; tristesque vagitus projectorum infantium: populabatur urbem totam cumula- tis funeribus fames: Cives ad vingiti millia extre- màm inediàm interierant: nihil intererat hostem acciperet Rupella, an retineret; grassabatur pe- jor omni malo desperantis militis immanitas; om- nia sibi licita putabat furor publicus, ubique da- bantur funestæ tragœdiæ, citius sepulchra, quàm domus: cadavera, quàm homines invenisses; mors locis omnibus occurrebat. Proli funestum tragicumque spectaculum! Tandem Rupella tot oppugnata calamitatibus expugnata est: submi- sit se Principi, triumphatorem admisit. O no- bilem ac fortunatam Victoriàm! ô! triumphum nulla ætate silendum! quo Aquitania pondere, quo opprobrio Gallia, qua peste Religio libera- ris! annum obsidio tenuit, victoria sæculis om- nibus permanebit: Vivet typis; Rupella, quæ cri- minibus occidit: sibi perierit, posteris non peri- bit: cor.

bit: corruiit nostro tempore, æternitati stabit. Huc stylum, huc nobiles curas historici. Narra-
te populis rebellium funus, daturum immortalita-
tem historice: fatum nescient scripta, quæ fatum
hoc ferent. Quantus accedet splendor annali-
bus, cum reverendis ducum nostrorum nomini-
bus augebuntur & populorum exempla fient
memorabilia facta Gallorum? Attollet se in me-
diis historiarum monumetis sereno vultu, ætate ve-
gera, egregia dignitate DOMINUS Regis frater,
qui multo plus, quam cæteri omnes lætatus est
ob bellum illud confectum, cui felix ipse ini-
tium dederat: ardebat ille quidem conficere o-
pus tam arduum, sed illud intellexit unius Re-
gis felicitati ac fortitudini reservatum. Et qui-
dem argumentari possumus ex tam beatis exor-
diis, quid factururus fuisset in progressu. & vel ex
hac una expeditione conijcere, quæ Regis fue-
rit de optimo fratre opinio; summæ quippè diffi-
cultatis est, magnis rebus dare principia, & pe-
ritissimi architecti, jacere ingentis fabricæ fun-
damenta. Eminebit præterea immortalis chara-
ctere Henrici Borbonii; Condæi Principis incly-
tum nomen, qui cum Regis curas externis simul
& civilibus bellis divitas esse videret, ejusdem
auspiciis profectus est in Galliam Narbonensem,
& belli gloriæque socio celeberrimo illo Duce
Montmorancio, cujus quot hostes, tot victoriæ
memorantur, repressit fortiter conjuratos hære-
ticos,

ticos, signiferum factionis obsedit, Montem Regium, Fanum Severi, Castronovum, Calvum Brassacum, Cressellium, Castrum Urbem, & Mazametæ vallis pentapolim occupavit; capit ad triginta quæ Urbes, quæ Castella rebellium, quodq; superat admirationem triduò Apamiam illā amplissimā, munitissimāque civitatē expugnavit: quantum denique Rex imperavit, tantum implevit, ut hostes intelligerēt, nihil principum viribus, nihil Regum imperiis esse difficile. Tum sublimi se vultu efferet posteritati venerandus Cardinalis Richellæus, qui virtute, quam nomine ditior, cum cæteri manu, ferroq; rem gererent, exēplo, consilioq; pugnabat, incomparabili vir ingenio, singulari prudentia, pietate spectabili. Habuerint sanè conspicuos Pontifices majores nostri: non invideo, dum unus sit instar omnium Richellæus. Opposuit olim Italia suum tyrannum Ægidium prudentissimum Antistitem, Gallia Turpinum Saracenis, Hispania Ximenem Mauris, Aquitania Geraldum Lemovicensem Anglis, Bohemia Joannem Pragensem Hussitis, Hungaria Gregorium Martinusum Ferdinando, Dania Absalonem Londeum Sclavis, Germania Huldericum Hungaris; unum deinceps nostra tempora omnibus opponent hæreticis, Richellæum. Neque verò hic stabit cursus annalium, quia non stetit hic animus, & fortitudo Gallorum. Legentur quoque cum admiratione Caroli Va-

roli Valesii Ducis Engolismensis præclara facta, qui cum Rupellæ admovisset exercitum, ante Regis adventum urbem cinxit, & jam diu emeritus, de Gallia tamen benè mereri non desuit, laborem labore continuans, belli principio junxit exitum, perpetuum hosti, vel otio certamen indixit, etiam cum cessaret, occupatus. Stuporem præsertim legentibus afferes, Schomberge præstantissime, cujus incredibilis ad bellum animus mihi quoque addit animum ad dicendum. Sed ferrò stylum, manu ingenium vincis, si vè enim te procellosissimo mari credis, cymbâ vectus exiguâ, & turbines, tempestates, naufragia, classes hostiles, mortem eluctatus, ad obsessas insulas penetras: Si vè cum parva militum manu confertas Britannorum copias & præsidia fundis, majora quædam homine facere videris, & nos quasi miraculis quibusdam opprimere. Venies etiam in partem laudis Marilliacæ, qui venisti in partem laboris, scient venturâ tempora quos hostes ad Rheam fregeris, quæ pericula adiëris, quæ Galliæ trophæa erexeris. Tuque Thorasi invictissime, quem dudum gestio nominare, tu quamdiu manebunt literæ (manebunt autem perpetuò) tamdiu vindex patriæ, hæreticæ ultor audaciæ, Dux citrà invidiam maximus uno omnium ore prædicaberis. Esto, Rheæ insulæ propugnacula evertantur, stabunt tuæ gloriæ monumenta, neque verò poterat tanta virtus loco tam

loco tam angusto contineri, cui laudis campus
parabatur immensus. Vigebunt denique me-
moriâ sæculorum omnium cæteri nobiles Galli,
quorum animus & si defuerint hostes, nullo ta-
men tempore defuturæ sunt laudes. Objecit
illis Rex maria? sinè navibus transmiserunt.
Anglos opposuit? continuò profligârunt; molem
in æquore fieri imperavit? Océani altitudinem
cumulârunt. Quis hostes constantius expecta-
vit? quis fortius excepit? quis celerius occupa-
vit? quis invasit audacius? quis animosius fudit?
Mirabuntur exteræ nationes, stupebunt pòsteri,
Religio triumphabit, Discent hæc miracula pu-
eri, juvenes recitabunt, viri conabuntur imitari,
senes narrare gaudebunt, ætas nulla commen-
dare desinet. Pictor vel ipsa tantarum rerum
umbrâ suas tabulas illustrabit: Sculptor victo-
rias illas durabit in marmore: mirabitur elo-
quentiam Orator, hujus unius argumenti ma-
gnitudine superari: Pòeta, cui hæc solida sup-
petent, cessabit inania prodigia fingere. Dabitur
demum omnib9 prædicare; quæ pauci fecerint,
paucis facere, quæ prædicent universi. O! te
ergo non tuorum minùs, quàm tua ipsius virtute
felicem! TER MAXIME LUDOVICE: Tuis
enim triumphis, quanta sunt, quamque præcla-
ra dudum facinora militant, qui ut majora fe-
cerint quàm ausi essemus optare, quoties tamen
in te unum intuentur, fatentur ultrò se infini-
tis gra-

tis gradib9 minora fecisse, quàm ipse exemplo fieri posse docueris. Universi demum rapiuntur in tuas unius laudes, & cum à nobis alium audiunt commendari, percontari solent. Regemne viderimus? tam in manu sumpto radio hæc Rupellam describunt, & ducto orbe concludunt, illàc maria derivant, isthàc objectam molem ædificant, ordine castra componunt, aciem terrà, marique instruant, Anglos procul ostendunt, ac demum te singulos locis miracula dividentem exprimunt. LUDOVICUS, inquiunt, idem in vallo, idem in agmine, idem in classe, idem in aggere, idem locis omnib9 adest, pugnat, triumphat quæ cum recitant, attonito auditore vallantur, quisque gaudet, vel ipsa videre tuæ simulacra victoriæ.

QUID superest, nisi ut te superesse velimus imperio Ludovice? addant vitæ tuæ Superi annos, quos patriæ reddidisti: dent LUDOVICO sempiternum imperium, reddant sempiternum imperio LUDOVICUM. Vivat nobis, vivat posteris, vivat omnib9, ferat vitam, quàm rebelles amiserunt: aut si nobis debetur hæres aliquis tantæ virtutis, det Rex optim9 sobolem se optimò meliorem, ne quis unquam succedat in regnum, qui non ejus virtuti successerit. Quicunque deinceps venturi sunt ad imperium Galliar, (venturi sunt autem quos ex te Rex dederis) minerint, qualis in imperio fueris, nec aliud quàm

Ludovici

Ludovici nomen ferant, virtutibus impleant nomen illud augustum, quod virtuti consecravistis; posteritas consecrabit eternitati. Toties placebit, quoties recitabitur nomen illud, cum liliis, & palmis natum: nomen venerandum, semper antiquum, semper novum. Nullus sit finis LUDOVICORUM. Jam quid à nobis exigis INVICTISSIME PRINCEPS, qui tibi totum deberi intelligis, quod possumus? gratias referam, sed laudatoris munus suscepi: laudem? sed agendæ sunt gratiæ; & quamvis feceris, quæ ab omnibus prædicari debeant, effecisti tamen, ne quis ea prædicare posset, quia non minori virtute nostra præconia superasti, quam claustra rebellium. Utinam toties victor, saltem semel triumphares. O si mos ille vigeret adhuc, quo solemnî pompa victores portabantur in urbem, quantus foret Imperatoris nostri triumphus? quæ gentium acclamationes? quæ monumenta victoriarum? Iret ante currum depresso collo, subjectis cervicibus, subactò vultu condemnata rebellio: Currum traherent simul victi, cum Rupellensibus Angli, frontibus famulari jugo conjunctis; succederent agmina vitiorum unò simul omnia lorò devincta, cæsaq; flagellò virtutum. Hic tractus sonanti compede livor ringeret; fremeret audacia sine telo: jaceret arrogantia sine supercilio: morderet invidia sine dente; debacharetur impietas sine voce, mœsta hæresis sine viribus

viribus agmen clauderet. Qui plausus interea, quæ in te laudes à circumfusus militibus conferrentur? Tu Benearnus, tu Cisalpinus, tu Transalpinus, tu Aquitanicus, tu Britannicus; tu Galliâ dignior, tu Patre felicior, tu Henrico magno major LUDOVICUS festis vocibus dicereris. Splendidi prætereà tituli, laureati lennisci, sublimes imagines præferrentur. Ebore redderetur infelix Rupella pretio majore quàm merito, viverent adhuc in adamante, quos in campo jugulasti, cælarurâ, quàm vitâ, nobiliores; Topatiis, & Amerethystis splendorem adderent virtutum tuarum insculpta miracula, emineret in auro sublime propugnaculum Ludoviceum: assurgerent juxta in argento Aureliacense, Matisiacense, cæteraque tam nunc pretioso, quàm antea pressio molimine firmamenta: præirent de conjuratorum manibus extorta signa superbiæ; toties victi Bukincamij simulacrum ferream domito collo catenam trahens, pedibus, manibusque revinctis, splendidum fieri pompæ ludibrium. Nectare spumare artefactus Oceanus, vallo non jam cespitio, sed adamantino circumcinctus, lapillorum obicibus ambrosii fluctus alliderentur, imbres gemmeos frangeret moles in auro, erudito labore fundata. Alii denique LUDOVICO ponerent obeliscos, ut Cesostri: alii columnas erigerent, ut Trajano: tabulas illi fingerent, ut Alexandro: arcus illi flecterent, ut Constantino: Pyramides quidam excita-

exc.
ut C
ribus
trius
ra f
blen
obel
nesc
cælo
pign
bus i
flect
conf
term
null
tur, n
mum
Triu
impa
in ea
Neq;
enarn
etoria
unus
Dicer
xerci
qua
alii p
titudi

excitarent, ut Nino: quidam currus jungerent,
ut Cæsarib9; plurimi statuas erigerent, ut victo-
rib9 innumeris. Sic LUDOVICE JUSTISSIME
triumphares. Quamquam, ut fatear, hæc mino-
ra sunt meritis, neque ulla reperiri possunt em-
blemata, quib9 tanta majestas exæquetur. Non
obelisci in metam efformati, Regis gloria metas
nescit: non columnæ, quæ deorsum basi nituntur
cælo nomen illius innititur: non tabulæ, quæ
pigmentis collucent, virt9 ista factis, non colori-
bus illustratur: non arcus, qui curvantur, atque
flectuntur, recta hic disciplina militis, inflexa
constantia ducis: non Pyramides quæ puncto
terminantur, LUDOVICI victoriæ terminos
nullos agnoscent: currus, non qui præterlabun-
tur, non præteribit hoc factum, non statuæ de-
mum, quæ obmutescunt, tanta prodigia silebunt,
Triumphasti de ingeniis hominum, qui cum se
impares reb9 tuis omnib9 exornandis agnoscant
in earum singulis singuli partib9 occupabuntur.
Neq; verò propterea, ulla erit in iisdem factis
enarrandis similitudo dictorum, sed in una vi-
ctoria omnes varie triumphabunt. Quia cæterum
unus effecisti, quantum universi laudare possint.
Dicent alii pietatem illam spectabilem, qua e-
xercitui prælucebas: alii felicitatem scribebunt,
qua toties vincebas, quoties prodibas in aciem:
alii prudentiam in consiliis celebrabunt; alii for-
titudinem in factis extollent; multis conclusus,
& subju-

& subjugatus Oceanus; multis merfus, & profligatus Anglus; omnib9 Rupellæ fames, & funus occurret. Jam quàm copiosa dicendi vis ex fossis castrinib9 eruetur? quàm arduum suggerent illa propugnacula? quàm sublimem religio? quàm longam obsidiones. infracta constantia? quàm magnificam tuus in Urbem ingressus? omnes postremò mirari poterunt se dixisse, quod aliorum nullus attulerit, pauciora tamen ab universis esse comprehensa, quàm unus fecerit LUDOVICUS. Tuum est æstimare, Rex præstantissime, cum tuis laudib9 non sufficiant universi; num veniè dignus videar, si de te paucissima dixerim. Fors erit (si quidem opera nostra placuerit) ut aliquandò majora audeam. Perge modò perduellionis reliquias insequi, perge busta illa patriæ, nostris malis inflammata, nostris diu conservata cinerib9, aut dissipare consilio, aut cæde, sanguineque restinguere. Compedè desperatio, non gratiâ cohibetur. Et sanè si mulctare pergis beneficis perduelles, periculum est, ne præmiis invitati quàm plurimi addantur numero desertorum, pluresque tandem hostes, quàm cives sis habiturus. Memineris te esse JUSTUM, Justitia pœnas, & præmia, dividit, nunc pœnam beneficio sustinet, nunc gratiam pœnis, supplicisq; commutat, Age, age, pauciora restant quàm feceris, & tamen nimis multa sunt: ægrè virtutes, facile vitia propagantur. O quando licebit dicere:

dicere
ra G
civil
cebi
H
e

G

T

PIT,
stiano
post c
cibus
argum
quoq;
tulari
sereni
fredu
terra
& qu

dicere: Omnino vicinus: Nullus rebellis tota Gallia superest: nullum grassatur bellum civile: nullus inter nos vivit hæreticus. Licebit certe, licebit aliquando, licebit brevi.

Hoc omnes optamus: Hoc Christianus orbis expectat. Hoc propitium Numen continentibus, testatissimisque miraculis pollicetur.

GENETHLIACUS DELPHINO

TRIUMPHATE GALLI, plaudite confederati, trepidate hostes, cedite perduelles, fremite barbari. VISITAVIT DOMINUS ANNAM, ET CONCEPIT, ET PEPERIT Licet enim oratori Christiano, quibus HEBRÆÆ quondam ANNÆ post cœleste puerperium acclamatum est vocibus, iisdem in communi omnium lætitia, argumento non admodum dissimili, ANNÆ quoq; AUSTRIACÆ felicissimo partui gratulari. Non semper eadem Cœli facies; iam serenum nubilo conditur, mox tranquillo sedum mutatur. Post longa sæpè sitientis terræ ieiunia, erumpit aquarum diluvium & quæ modò raræ, nunc densæ nubes largissimos

gissimos imbres effundunt quibus arva im-
prægnantur arentia. Annus iam tertius su-
prà vigesimum agebatur, ex quo Christianis-
simo Regi sobolem conjunctis vocibus pre-
cabamur, sed ipsa vox clamando defecerat;
jam exhausta erant omnium vota, cum ac-
cisís denique rebus, quasi profuisset ad ex-
tremum virium devenisse ut ad fastigium
gloriæ conscenderemus; nostra tandem desi-
deria cumulatissimè Deus explevit, fecitque
munificentiâ suâ, ne nos, qui paulò antè
nihil audebamus sperare, modò quidquam ul-
tra optare possimus. Illuxit enim aliquandò
dies illa tantò ante à Superis destinata, for-
tunata regno, grata civibus, exteris splen-
dida, optata bonis, invisa perfidis, nulli cer-
te expectata, quæ regia nos prole donavit:
ac proindè nemo non videt quantæ à nobis
DEO referendæ sint gratiæ, cum non minùs
turpe sit beneficii authorè dissimulare, quàm
ipsius beneficii penitus oblivisci. Accedit
præterea gaudii seges immensa; nam si quan-
do plebeïæ, vilique familiæ nova proles adi-
ci-ur, par est unumquemque lætari: statuite,
precor, ubi non terræ si ius aliquis de vulgo,
sed augustus infans de regio sanguine, isque
non post alterum, sed primus, nec paucis
mensibus, sed plurimis post matrimonium
annis nascitur, quanta omnium animos læ-
titia in-

titia incendere debeat. Cateri quippe liberi nascendo sortiuntur humilem plerumque fortunam, vel certè mediocrem, in hunc terrarum orbem quasi projecti, ne vacuus relinquantur: tenui sub lare vivunt parentibus additi ad laborem, à quibus denique nō rām opum, quàm miseriarum relinquantur hæredes: Regum autem Filii ipso ortu splendissimi statim consecrantur imperio, ut post modum fata hominum tractent, inter quos sedent ut Patres, eminent ut soles, coluntur ut Numina. Atque illud habet præterea Princeps Gallia singulare, quòd ubi DELPHINUM suscipit, simul Ecclesiæ destinat PRIMOGENITUM FILIUM; Potentissimum Evangelii Columen, demum universo è Christianissimis illis Regibus unum, quos nescio plus gentes verè Catholicæ venerari soleant, quàm avitæ religionis hostes ubique pertimescant. Quæ si omnia scribendo persequi velim, quemadmodum nullis hoc beneficium terminis clauditur; ità finem nullum hæc oratio sit habitura: modus tamen adhibendus est aliquis, si minus gaudio, ac certè stylo in quo sane non labor exiguus. Quid enim mihi assumam ex tām ampla rerum sylva? quid primum instituam? quid postremum? Dicam civium acclamationes & plausus? offerunt se mihi gemitus hostium.

Galliam prædicem? DEUS gratias reposcit
 Finitimorum principum gratulationes, &
 officia referam? DELPHINUS noster mihi
 salutandus occurrit. Hujus ego dignum
 imperio vultum describam? quæritis audire,
 quæ passim de eo feruntur præfagia. Ità
 non habeo quid dicam, ubi tanta est di-
 cendi materies. Quid? Duo certè, quæ hoc
 ex Natali præsertim effulgent. præterire
 non debeo, scilicet regis domus gloriam,
 & Galliæ totius felicitatem, quæ breviter
 hæc oratione perstringam; de multis pauca,
 sed pro meis viribus multa. Præsertim cum
 unus omnia complecti noluerim, nè subirem
 eorum invidiam, quos in partem gloriosi
 laboris venturos esse confido: nec non mi-
 hi metuendum foret, nè cum cæteræ Gal-
 liarum Provinciæ ad regias DELPHINI cu-
 nas officiosæ, & venerabundæ certatim ac-
 cedunt, si longius morarer, serius mea te-
 sifieret Aquitania, & ad obsequium proce-
 deret extrema, quæ prima videtur imperio.

Magna fuit semper conjugibus cupiditas
 prolis: quòd hæc nupriarum messis est &
 quasi flos thalami, socialis amoris, fructus!
 parentum communis animus, pretiosæque
 reliquiæ. Parentes quippè gaudent in libe-
 ris, veluti nativo quodam in speculo, se ip-
 sos intueri, & proprio videre simulacto.

Nam

Nam cum sit amans sui natura mortalium : suam ut semper contempletur imaginem, sese effingit in altero. Quid, quod successionē sobolis gentilium nomen propagatur in ævum. continuantur generis stēmmata, unoque sanguine surgunt populi nepotum, in quibus quædam immortalitas seritur, ut quod natura non concessit hominibus, diu vivere, id ipsi procreatione liberorum consequi videantur, per quos suum etiam ultra diutissimè, si minus toti, certe parte suā quadam, eaque optima superstites manent. Vivunt ex parentibus filii; sed, & vicissim filii parentibus vitam restituunt, dum naturam, quàm ab iis nascendo traxere, tradunt succedentibus sæculis. & incorruptum majorum nomen, ad ultimas ætates longæ prolis serie transferunt. Accedit robur, & firmamentum familiæ quæ ut arbor luxuriosa radicem propagine, sic numerosa pulchræque sobolis præsidio nititur. Quantus enim ex nobili filiorum corona paternæ gloriæ splendor additur, quanta etiam reverentia accersitur? quia non modo conspectu sèves, colloquio, officiisque jucundi sunt, sed hoc vel maximè parentibus utiles filii quod eorum amore nihil fortius, nihil fidelitatē robustius Timetur quisquis posteros relinquit nominis vindices, & potestatis assertores:

omnium patet injuriis qui nullum habet
 heredem dignitatis, & famæ, Quare solem-
 ne fuit cunctis propemodum gentibus, ubi
 proles deficeret naturam arte fulcire, &
 peregrinos successores accerere, ut ruentis
 familiæ casum ingenioso supplemento vita-
 rent. Propterea Osirim Dionysius in Egy-
 pto, Pandides Ægeum, & Theseum Ægeus
 in Græcia, Adamas in Caria Alexandrum,
 Hildericum in Gallia Sigebertus, Aurelius
 in Hispania Veremundum, Luitprandus in
 Insubria Carolum, Theodoricus in Italia
 Herulorum Regem in filium adoptavit. Ne-
 que Romani hoc loco prætereundi, quibus
 pluresne liberi fuerint adsciri, quam geniti,
 jure dubitet, qui legerit hac arte Tiberium
 Augusto, Claudio Neronem, Pisonem Gal-
 bæ, accessisse; familiis insertas plerasque fa-
 milias, Octavianam Juliæ, Æmilianam Afri-
 canæ; & Nervæ Trajanum, & Trajano A-
 drianum, & Antonium Adriano, & innu-
 meros deum alios ab aliis adoptione quasi-
 tos. Nempe majores nostri hoc suæ orbitati
 remedium afferendum putârunt, ut si libe-
 ros natura negaret solertia pareret, ac in-
 telligeret unusquisque, quo proprii loco filii
 debeant haberi, postquam tanti fuerint, vel
 alieni. Sed quid profanis utimur, qui di-
 vinis abundamus? Gentibus olim Numini
 manci-

mancipatis summi beneficii loco promittebatur *longævum semen*, & fecunda progenies: iis verò, quæ in scelera prouissent, Deus ad summum dedecus juxta, & acerbissimam poenam, *sive liberis vulvam* & *ubera* interminabantur *arenia*; adeò ut maledicto quodam afflatus, & veluti de cælo tactus videretur quisquis, priscis illis temporibus careret ornamento ac solatio liberorum; & quantò matres suos tunc parrus gloriosius numerabant jactantes prægnantis uteri pompam, tantò steriles fœminæ ferebant acerbius infamiam solitudinis, & arescentium viscerum probra. Incedebant mœstæ, demisso vultu, veste lugubri, sine nomine, quia sine sobole, orbi penè invisæ, quòd orbi haberentur ingratae. Aliæ suam sortem in sylvis miserabiliter lamentari: aliæ Cœlum precibus urgere, & quâ sacrificiis prolem quærere; aliæ fœtus alienos sibi etiam subrogare, & ancillarum puerperio suæ sterilitatis labes implere: Tantus omnibus amor; & desiderium prolis.

Jam intelligis, Rex Augustissime, jam Regina sapientissima vides, quantum Majestati vestræ decus accesserit, ex quo vobis nobilem filium, communem parentem nobis Galliae Augustum olim Regem procreastis. Auxit vos tandem hoc Deus munere, quo nul-

lum majus, hoc quidem rerum statu, aut ipse concedere vobis, aut vos ab ipso contendere poteratis. Fuerit is magnus dolor, tamdiu caruisse fructu connubii; abundè sanè diuturnam moestitiam Deus hoc pignore compensavit, quo simul vester nobilitatus est thalamus, simul expletum desiderium, simul firmatum imperium: ò gratiam singularem! ò beata tempora! ò nox expectata miracula! Meminimus, quæ regium animum tristitia premeret, cum sibi suscipiendæ proliis spes nulla foret post tam longa annorum sterilem spatia. Et verò non poterat Rex optimus non vehementer dolere, cum recogitarer, Regum totâ Europa nemini, præterquam sibi, deesse filium, & aulam hæredum vacuum oculis lustrando; principium identidem, cæterorum natales acciperet. Quis tibi tum animus LUDOVICE tum sensus orbitatis domesticæ? quis præterea nævus fortunæ? Magna feceras huc usque, Princeps Invisibilissime, imò omni prorsus fide majora; sed quò celsius tua te virtus erexerat, eò naturæ injuria videbatur atrocior, quæ summo ei invidebat, quod ipsi passim plebi concedit. Quærebaris: tua ut solito altius emineret, & qui longè lateque fines amplificabas imperii, mirum erat domum, te augere non posse. Jam Majestatis tuæ
Numen

Nomen ubique diffuderas, jam bella civilia
 ineluctabili pace mutaveras, jam erexeras
 socios, & ruptorum fœderum vulnera ferrô
 sanaveras, jam virulentam hæreseos faniem
 deterferas, & rebellionis arcem everteras,
 jam ad Rupellam, hostibus procellisque su-
 perior, altis maris voragines fatali mole com-
 pleveras. jam non minus foris, quàm domi
 victor continuatis lauris, prærupta Alpium
 juga transmiseras. Immortalia sanè facta,
 nobilesque victoriæ; sed operosius aliquid ti-
 bi moliendum restabat, efficere tui similem
 Ita in tanto rerum apparatu hoc minus felix
 videbaris, quia solus: neque enim satis erat
 tibi vis immensa, non classium robur, & e-
 xercituum numerus, non imperii florentis-
 simi gloria, non amor tuorum, non socie-
 tates exterorum, non cumuli triumphorum,
 quamdiu desiderabatur filius, qui vultus pa-
 tris referret, hæres, qui tantæ pondus glo-
 riæ sustineret. Quidquid magnificè fortuna
 tribuisset, putabas exiguum, quòd felicitati
 tuæ suum nondum addidisset natura suf-
 fragium. Audiebas tu quidem passim Invi-
 ctus exteris, Justus subditis, omnibus Tri-
 umphator. Alii te rerum restauratorem,
 alii Domitorem hostium, alii immensi Re-
 gnatorem Oceani, alii Galliarum, Numen alte-
 rum, Propugnatorem Italiæ, Britanniæ Ful-
 men;

men. Iberiæ, Germaniæque Terrorem, Europæ totius Arbitrum appellabant: Patrem verò hæcenus vocare nemo potuerat, nisi quando Pater Patriæ dicebaris; dulce adhuc aberat parentis nomen, quo indigebas uno, qui tam multis abundabas.

Parte alia Reginam, qua non meliør altera, videbamus pari mœrore confectam, Divis hominibusque supplicem, humi prostratam, nunc Deo dicatas ædes pedibus adeuntem, nunc in vulgi turba demissè sacra mysteria usurpantem, nunc clām subeuntem canobia virginum, & religiosa captantem silentia, quo Cœlum suis aliquandò precibus vinceret, & indè stirpi regiæ surculum duceret; undè sciret antiquum illorum candorem Galliæ Regibus defluxisse. Nam tametsi infinitis gloriæ titulis coruscabat, & magni Regis filia, majoris soror, maximi conjunx, cæterorum denique Regum, vel consanguinea, vel affinis, omnia ferè Europæ diademata suo sanguini avita cognatione sciret esse conjuncta; quoniam tamen nondum Regis mater, in tanta ubertate sceptrorum orbitatem domesticam deplorabat, in mœstam solitudinem frequens aula transierat, declinabat ipsa populi conspectum, à quo ubi Regem postulari sentiebat, ingemisciebat se non parere principem tot principibus ortam, & quæ

& quæ magni nominis famam superaverat, majorum exemplo virtutum vivum sui exemplum posteris non posse relinquere. Sed hunc denique mœrorem excepit gaudium, postquam Regi filium peperit. O Galliam tibi, ANNA, vel hoc nomine immortalis nexu devinctam, quod eam Delphini natalibus fecisti regnis omnibus clariorem! ô supra modum illustrem Reginam, ex quo nostro dedisti novum sidus Imperio!

Si quis superioribus annis hujus prolis augur, & prænuntius accessisset, quos illeris excitasset in plebe? quos in sermones incidisset, qui rem omnino desperatam vaticinando promitteret? Res enim erat hujusmodi, ut eam vix quisquam optare nedum expectare auderet. Scilicet cum id maximè nostræ omnium preces, supplicationesq; ad hanc diem incubuissent, ceciderant tamen hucusque irritæ. & incredibile videbatur, quod tot annos frustra petieramus, Deum in hæc tempora reservasse. Votis ardentibus successerat triste silentium, & longis fessi clamoribus, Cælum, quod ad nostras preces pridem obscuruisse credebatur, erubescere adire; quin ipsi, quod sperare vetabamur, metuebamus etiam loqui. Memini enim, ante annos septem, cum Burdigalæ esses: REGINA AUGUSTISSIMA, & illu-

& illustris Doctorum Academia, tui salutandi causa, ex officio convenisset, vetitum fuisse oratori, jam ad dicendum parato, ne quàm de Delphino vocem mitteret, cuius rum adedò nulla spes erat, tibi ut non tam benè precari quàm illudere videretur, quisquis intempestivam illius faceret mentionem. Anno verò proximè elapso, cùm primum te gravidam rumor vulgasset, qui sermones ultrò, citròque sunt habiti? quæ plebis conjecturæ fuerunt? quæ civium judicia? qui sensus exterorum? illi dicere sparsam de industria fabulam ad exploranda vulgi ingenia; illi suspicari hanc inter belli molestias nobis fingi materiam gaudii; illi ridere in sinu, etiam in angulis cavillari: nemo fidem adhibere prodigio. Ut enim, quod quisque timer, citò credit, ita agrè sibi persuadet accidisse, quod vehementissimè cupit. Et ecce diffidentiam nostram Divina largitio, desiderium beneficii magnitudo, expectationem omnium, tua, nostraque felicitas superavit. Didicimus fieri potuisse, quod factum est, & te jam nostram, ANNA, fate-mur esse, post quam nobis diceris mater, Mater verè Magna, quæ Reges paris, Galliarum verè Regina, quàm amplificas. O quanta es modò, quæ paucis antè mensibus, de te tam modicè sentiebas! quantum emines, quæ latebas!

latebas! imò qualis, quantusque tuus, idem,
& noster per te LUDOVICUS occurreret om-
nium oculis? quàm charus subditis? quàm for-
midabilis hostibus? Quid enim Rex suapte
ingenio generosissimus non perficiat illo
Heroe subnixus? quid vicissim Heros filius
hoc patre non audeat? Erit aliquis, qui Gal-
liam, vel non exoptet amicam, vel non
pertimescat adversam? & cum uni pridem
nostro pareant omnia Principi, quidquam a-
liquandò conjuncto Principum duorum ob-
sistat imperio? Ibit venerabilis, & altero tan-
tò major, qui semper maximus fuit; suum-
que Regina fatebitur esse, quod crevit;
nos utrique vestrum, quòd adeò sumus fe-
lices, referemus acceptum, illamque diem
claro notabimus calculo, qua nostro in orbe
surrexit ille Parelius. O nonas Septembres
nobis æterna memorià retinendas! Observa-
runt quidem alii religiosè summorum viro-
rum natales; diem illam Persæ perpetuò sa-
cræ habuerunt. qua Xerxes accessit impe-
rio, eam Syracusani semper coluerunt, quæ
Timoleonem. eam Athenienses, quæ So-
cratè peperit: Romanis quoque dies illa quo-
tannis solemnis fuit, qua urbis fundamen-
ta jaci cœperunt; nec non Idus Julii Cæsa-
ris ortu insignes, Kalendæ Januariæ Titi:
Decembres Nervæ, Novembres Adriani, A-
prilis

prilis Antonini, Februariæ Constantini claræ natalibus olim Romæ magna cum pompa celebrari consueverunt. Nobis verò semper illa dies dicetur suprâ cæteras omnes beata, quæ regio præluxit Delphini partui: illi nobis in anni circumflexu redibit gratissima omnium, quam utinam placeret in posterû dici Delphiniam. ut in Asia quondam factam quamque diem à Mutio libertatis vindice, Mutiam nuncupatam legimus: illamque Cyrus lucem, qua Sacas memorabili strage delevit, Sacam de ipsorum nomine voluit appellari. Quanquam hæc adhuc exigua, illi nos diei meliora precemur, quæ nobis affulsit optima. Luceat illâ Sole perpetuo, quin etiam novis fulgoribus augeatur; immortalibus fastis emineat. & orbi Christiano recurrat semper augusta.

Ac certè quemadmodum jucundior nulla nobis illucescere potuit. ita nulla, quoad recordari possumus, majorem Galliæ lætitiâ attulit. Quis non risit cum auctum filiô LUDOVICUM accepit? quis non oculos sustulit? cum is nuntius ad aures pervenit? sed quantæ ubique existerunt signa lætitiæ! Exaudiebantur passim confusæ tubarum clangoribus civium acclamationes. festis undique pyris lucebant compita, ludis theatra personabant ingeniosis, Cælum coruscabat missilibus

missilibus ignium joci, tellus mugiebat repetitis fragoribus tormentorum, sibi quisque demum gratulabatur illam diem, Deo miraculum referebar. Quid dicam redimitas emblematis, statuas & pyramides sulphureis jaculis fulgurantes? Quid suspensos artificiosis nubi-
bus soles, & pluvias vini jucundas? quid dies noctibus continuatos, & noctes accensis funeralibus perturbatas? Hic florum congeſtæ meſſes, illic extructæ dapibus turres; Hic tripudiantium chori, illic convivantium globi: nec ſatis erat vinum capacibus haurire poculis, niſi ſolutis etiam doliis funderetur, parum videbatur erogare pecuniam, ſpangebatur in vulgus: adeò quiſque rerum ſuarum obliſcebatur, cum, Delphini meminerat. Quæ ſatis ego mirari non poſſum, cum mihi redit in mentem, qui nuper erat vultus Gallorum: enimverò deformes non ita pridem, & ſqualidi videbamus, quia foris bella ſæviebant atrocia, domi urgebant occulta mala. Iam plebeculam demeſſuerat dira fames, & ecce non longè poſt lues ſummis æquè, ac inſiniis metuenda ſupervenit: lues remiſerat, bellum ſucceſſit, quo nullum ante funeſtiùs: itaque nobis vita trahabatur multiplici, ac tortuoſa negotiorum ambage, Sed hunc vultum cum fortuna mutavimus, metus omnis abceſſit, poſtquam
DELPHI-

DELPHINUM aspeximus, qui sedabit procellam temporis, & otia reducet antiqua, populos faciet inconcussa pace concordēs.

At enim licet mihi à privatis regiae domus honoribus orationem deducere ad commune Galliae bonum, & post aulae delicias, nostram quoque fortunam diligentius contemplari. Qualem tandem futurum arbitramur hunc puerum, quem DEUS extra ordinem nobis concessit, LUDOVICUS XIII. perfecta jam ætate genuit, ANNA AUSTRIACA post ardentissima vota concepit? Mos fuit antiquis ut nascentium Principum partus curiosius inspicere, & ex natalibus conjicere quid cuique fata servarent. Quam quidem divinationem nonnulli ex siderum observatione ducebant, uti fertur Tiberius Augustus imperium prædixisse Caligulae: nonnulli arripiebant ex somniis, uti Cyri gloriam ex eo coniecisse narratur Astyages, quod ejus mater sibi dormienti visa esset ex se palmitem fundere, quo tota latè Asia regeretur; nec non Philippo præcognita dicitur Alexandri virtus, quod sibi in somnis leone foeta occurrisset Olympias. Id ipsum alii se colligere posse putarunt, subitos rerum eventus interpretando, quemadmodum Augustus dextri fulminis jactu destinatus perhibetur imperio: alii ex notis quibuidam à natura impressis

pressis vaticinando, quomodo Scanderbego
Principi tot hostium victori ea figura gladii,
quàm toto ejus brachio natura longè descri-
pserat, invictæ fortitudinis prælagium fuit:
alii ex verbis ipsi argumentando, quæ à se
primò frangere solent infantes; ita quòd
Rex Pyrrhus maternis adhuc appensus ube-
ribus gestiendo, *Butomai* primùm dixisset, ea
statim vox transit in omen audaciæ. Quid
consulta dicam oracula? quid ab ortu quæsi-
ta mendacia? quid captata ab avibus augu-
ria, & adhibita tempestatum, dierum, ho-
rarum examina, partusne contigisset amico-
vere, an rigida hyeme? Kalendis, an Idibus?
die Jovi sacra, vel Palladi? Infinitæ olim
divinandi artes, sed totidem quoque fallen-
di: plurimæ fati conjecturæ, sed incertæ o-
mnes, & vanæ.

Quare valeant dubia Astrologiæ judicia;
valeat Hetrusca veterum disciplina: nobis
nec coitiones, declinationesve siderum astro-
labio colligendæ, nec lituo describendæ Cœ-
li plagæ, nec evocanda carmine Manium
spectra, nec adeundus Apollo, vel consulen-
dus haruspex ad auguranda Delphini nostri
miracula. Prodit se satis illa Majestas suo-
rum splendore natalium, nec celsam illius
indolem metiri debemus peregrinis artibus;
quia nefas est cœleste fatum scrutari super-
stitione

stitutione mortali. & quod Numen ipsum comprobavit, revocare ad sortem. Quis enim dubitet augustam hanc prolem divinitus esse concessam, cujus causa toties immortalī Deo solemniter supplicatum est? toties litatum? quas non opes in mendicos effusas, quas non preces in Cœlum emissas, quibus non templadonis, quibus non sacrificiis altaria cumulata cognovimus? paternis ut Rex aliquando frueretur honoribus? Nemo nostrum non sæpè vocavit venturam prolem, nemo non genua flexit, & supplex adiit Superos, ut nostræ tandem orbitati consultum vellent, quia hæc summa votorum, unum omnium desiderium, Galliæ nasci DELPHINUM. Quo si gaudeamus demum, gaudemus profecto Dei munere, à quo cum nihil fluat, quod non omnino sit absolutum, an non ab eo Principe tantum sperare oportet, quantum à proprio numine tribui consuevit? Atque nos idcirco DEUS hucusque protraxit; hæc molestæ sustentationis origo.

Inquirebamus nuper quamobrem post tam longam à liberis solitudinem, is denique Regi obvenisset; atque illi quidem causabantur magnitudine operis, & longis rerum ingentium moris; nihil perfectum existere subito; vulgus hominum citò nasci, quasi nullius momenti; Reges aut mundi gubernacula com-

paratos

paratos in lucem difficilius erumpere, & longa fingi meditatione naturæ. Illi morem Numinis afferebant, quod sua quidem beneficia prolatando commendat, nos verò, dissimulando exercet; ita fidem probari nostram, erudiri constantiam, nec non quæ seriùs, ac difficilius obtinentur, diligentius conservari. Nonnulli secus interpretantes præclare factum arbitrabantur, ne, quàm ardentè à nobis regia proles ab ipso statim Regis connubio efflagitabatur, tam celeriter prodiret, quod LUDOVICUS noster tum admodum juvenis, si filium suscepisset, brevè regni socium habiturus fuisset, nec orbis duobus sufficere potuisset, qui uni penè videretur angustus. Nonnulli vertebant se ad arcana naturæ, quæ se ipsam interdum excussò corpore vegetat, post otium actuosior, cùm ipsa mutetur corporis habitudo, & ætas succedat ætati; hic enim aliquando seges est, ubi fuerat solitudo. Aliàs demùm alii insperati memorabant causas eventûs; mihi tamen sic semper animo persuasum, tamdiu negatam optimo Regi sobolem, ut cum ejus obtinendæ spes omnis corruisset, certò liqueret, quis tanti beneficii auctor esset habendus, ipsique fatemur hunc puerum non tam enitentis naturæ labore, quàm indulgentis dono providentiæ genitum. Quod intellexisse te, Rex præstan.

præstantissime, satis indicasti, cùm recens editum, regis manibus excepisse diceris, non ut primis indulgeres amplexibus, & paternum nomen osculis initiare sed ut credito rem agnosceres, & Cœlo delapsum pignus Numini consecraret. Nec multò post audivimus Reginam (cujus quoties nomen incidit, offert se mihi statim divina quædam pietatis effigies) hoc prædulci onustam ponere processisse ad aram, & inter solemnia sacra flexis genibus, religione singulari, sanctis perfusam lacrymis Deo partus sui dicasse delicias; nè cui liceat in posterum dubitare; quin acceptum sit à Numine, quod ab utroque parente videmus, Numini redditum.

Quippe neuter ignorabat Deo semper placuisse primitias, quas profana etiam antiquitas vanis Deorum simulacris offerendas putavit. Nam & Sabinos veteres accepimus Deo Terminò pubescentium segetum comprotasse manipulos, & Isidi recentium uvarum sanguinem libasse Sacerdotes Hetruscos, Græci præterea Vestæ frugum principia; Romani Jovi Feretrio nova offerebant hostium spolia: quin matronis solenne fuit prima muliebris mundi firmata de templorum tholis suspendere, nec Theseum puduit Apollini Delphico comæ nascentis exordia consecrare. Superstitiosa isthæc & vana, ut ruri ferebant

fereb
bus
vera
tulist
dedi
gvin
visce
decet
ANN
dand
sed e
& lan
res,
istis,
ctibus
bis n
est, c
aris c
corde
PHIN
lum!
tur,
ludiu
fulis
verso
men:
exem
tiam;
Parch

ferebant tempora. Vos, parentes optimi, quibus augusta de Cœlo mens, antiqua pietas, vera religio, vero, æternoque Numini obtulistis puriores primitias thalami. nec aliena dedistis, sed vestra, proprium scilicet Sanguinem, communem vitam, ipsa denique viscera. In quo quid impensius admirari nos decet, tuam LUDOVICE fidem, an tuam ANNA pietatem? doni magnitudinem, an dandi modum? Magnum est quod dedistis, sed effundebat se vester animus ad majora, & largiendi voluntate quàm facultate ditiores, regium donum, quo nihil potius habuistis, prosecuti estis lacrymis, auxistis affectibus. Sed hæc Deo secreta patuerunt, nobis non licet tam altos scrutari sensus; satis est, quem vos ipsi tacitè devovebatis, vidisse aris oblatum, & suspensum manibus, quem corde gerebatis infixum. O solium DELPHINO dignum! O dignum altaribus ferculum! Suos quondam Principes, cum nascebantur, Scythæ, clypeo extulerint, ad belli præludium; suos Athenienses sacerdotalibus infulis texerint, ad pacis auspicium; Persæ adverso Soli opposuerint, ad religionis specimen: Romani humi straverint, ad miseriarum exemplum; Turcæ militari vexillo, ad jactantiam; Græci purpurea clamyde, ad pompam; Parthi casside, ad ferociam exceperint: Delphinus

phinus aris erat imponendus, ad æternum pietatis regię monumentum.

Sed quò mea sensim se subduxit oratio? mihi de nostra omnium felicitate dicere meditati, nova semper occurrunt miracula. Quæro tandem, in quem virum sit evasurus Princeps his natus auspiciis, his cæremoniis inauguratus? Ingentia sunt, non humilia Dei dona, minora quidem opibus suis, semper tamen meritis hominum celsiora; ac proinde munifico Numini facit injuriam, quisquis ab eo putat aliquid concedi mediocri. Memores estote Galli, quantum acceperitis victorẽ in Philippo Augusto, quale sidus in Divò Ludovico, quos, parentum preces nostro quondam imperio pepererunt: Prædicate Ægyptii, qualem videritis in Josepho moderatorem, quem Deus effœtæ Patris senectuti concesserat: Dicite Hungari, qualem habueritis Regem in Stephano, cujus natalibus præluxit cœleste prodigium: Referte Hebræi, qualem susceperitis in Isaaco Patrem, in Samuele Judicem; in Joanne Solem, quos sterili prognatos thoro universus orbis suspexit. Nihil est à Cœlo commune, à quo, qui nobis Delphinus exiit, non potest non esse Magnus. Quamquam hæc si abessent divina suffragia, sufficerent puero exempla domestica, cum sangvis ille degener esse non possit, nec à

Rege

Rege Christianissimo, Religiosissimaque Regina quiscquam edi non optimus. Ut fructus arborum naturam sequuntur, sic ferè liberi parentum mores imitari solent, & non vulgum tantum, sed indolem quoque ferre simillimam. Iam ex utraque stirpe quanta Delphino sese offerunt incitamenta virtutis, nolum à me quidquam hoc loco per assentationem dictum, quia nec virtus calamistro, nec cothurno veritas indiget; verum ut hæc mendacio crescere non potest, ita non debet premi silentio. Eo sub Rege nos vivimus, cujus non modò quisque optet imperio subiici, sed ut subiiciatur, etiam contendere debeat: nimirum illius vita si æquius æstimeretur, censenda est magna quædam virtutum thesis, & veluti collegium miraculorum. Si dixerò bonitatè incredibili, altissima prudentia, æquabilitatè perpetua, eximia pietatè, summa fortitudinè præditum; minùs, quàm debeam, prædicem; quia, quæ reliquis Principibus laudi singula tribuuntur, in nostro uno mirabiliter còeunt universa. Quem non suo statim vultu recreat, si comparer? quem non demeretur, si dignatur alloquio? Pascit intuentium oculos, & licet magno jam nomine totum latè orbem impleverit, tamen contra quàm cæteris accidit, major semper conspicitur, quàm solet prædicari: adeo, ut, qui

Regem nunquam viderint, summo ejus videnti desiderio teneantur; majori metu amittendi, qui vident: abripitur, ad eum quisquis accedit, & est divinarum rerum natura, ita sibi omnes affixos tener, nemo ut ab eo non recedat invitus, quisquam vix avelli possit. Quamquam illa Majestas etiam absens cōfī solet; quos enim sua non præsentiā reficit, rerum gestarum famā percellit: etiam iniquissimos quosque suæ gloriæ obrectatores ita perstringit, ut incertum sit plussine diligatur à subditis, an prædicetur ab hostibus.

Quid ergo jam Reginæ virtutes dicendo, commemorem, quas sanè multas, maximasque esse oportet, postquam Rex tantus eas suspexit, omnes tacito quodam instinctu palam efferunt. In ea quippè non modò acreviget ingenium, sed tam casti præterea mores elucet, tam egregia fides, tam solida pietas, tam insignis mansuetudo, ut cum dignitatem summæ fortunæ retineat, nihil supra communem sortem assurgat, eaque sit omnium vox, si quis Reginam in media turba aulicorum internoscere velit, facile cogniturum, dum observet modestissimam omnium. Cultu simplex, omnem longè ornatum superat, semper animò tranquilla nescit aulæ strepitum, omnibus denique virtutibus cumulata,

lata, facit, ne nos Clothildes, Blancas, Radegundes, Eleonoras, Elisabethas, Margaritas, Catharinas majoribus nostris invideamus, postquam tenemus ANNAM, quæ paucas sibi Reginas vidit æquales, nullam habuit gloriâ superiorem. Equidem quoties Regem, vel Reginam intueor, existimo videre me spirantem honestatem, radiantem sapientiam, aridentem humanitatem, sedentem constantiam, liberalitatem erumpentem, imperantem justitiam, religionem triumphantem, quæ in utro majora sint, difficile est comparando judicare! in utroque profectò, sunt tanta, quanta summis Principibus optari possunt.

Quarè vestrum est Galli, ex ea semente messem æstimare, quam collegistis; magna siquidem vis est in genere, propterea quod communione naturæ, non modò parentum sanguis derivatur in venas succedentium liberorum, sed ipsa eorundem virtus in mentem quoque transfunditur; adeoque, si quantæ sunt in utroque parente, tum ingenii, tum virtutis dotes, tantas postmodum in Regio Delphino visuri sumus, (quod par est unumquemque nostrum sperare) quis omnibus retrò sæculis Princeps major, meliorque surrexit? Si Patris vigilantiam obtinet, quis solertior? si Matris dignitatem, quis spectabilior? dum illius clementiam referet, quem
non vi-

non vincet officiis? dum hujus modestiam imitabitur, cui non occurreret augustus? Accedat ad Regis fortitudinem, cuncta suo adjungat imperio: succedat Reginae pietati, nulum non rapiet virtutis exemplo: æquet Ludovici justitiam, quid non illo Legislatore moderatum? excipit Annæ sapientiam, quid non illo Rege perfectum? utriusque demum retineat indolem, videbimus gravitatem urbanitatē, modestiā principatum, majestatem popularitatē conditam; & quidquid habet Gallia nobilitatis, & gloriæ, quidquid Hispania amplitudinis, & famæ, in hoc uno collectum ad mundi dominium.

Atque hunc vigorem, hoc imperium toto jam illius vultu, eminere audio (neque enim fas omnibus eò testes afferre oculos) Regem spirare dicitur adhuc infans; jam affusus genis lepos, & dignitas, quæ Principum esse solet; jam fronti decus impressum, cujusmodi Herodē decet; jam fulgor inditus oculis, qui sidereum & cœleste aliquid sapit. Cernitur uterque parens unius in ore; excelsum caput attollit, quasi thoro, vel in cunis jacens, regno emineat; figit obtutus imperterritos, quasi gentes jam nutu terreat suo brevi ferrō domandas: manus explicat audaces, quasi scepttris aptare velit; teneriter firma exercet brachia, quasi præludat hostium

stium fatis. Ecquem verò metum circumje-
ctis hinc inde nationibus barbaris incussum
fuisse putamus, ubi primum de Delphino
audivêre? An non ipsis visi sunt prisca illi
Gallorum Reges, tot gentium superbi victo-
riis, quorum imperio universus ferè terrarum
orbis succubuit, hoc infante renasci? O Gal-
liam hac in primis prole felicem! Nunc lon-
gas tibi, Regina, partus moras ignoscimus,
quas tam glorioso fœnore reparâsti: jam in-
telligimus non nimis diù expectatum fuisse,
qui tantus futurus erat; quin eò gratior ac-
cessit, quò serior; eumque tu, Mater Augu-
sta, tardius emittere debuisti, ut ex sangvi-
ne jam maturo coalesceret fortior. Siquidem
ad concipiendum difficilis, lenta etiam par-
tu fuisti; & cùm ad annos tres & viginti
fœtum suscipere distuleris, in decimum præ-
terea mensem gestâsti utero, tum quia Prin-
cipes non eadem, qua cæteri, celeritate fun-
duntur, & qui Rege prægnans est uterus,
agrè patitur tam superbo se onere liberari;
tum quia operosum est, quidquid excellit,
& longo spatio cuditur, quod æternitati sa-
cratur. Sic uniones videmus avaro Cœlo sin-
gulas sudari lentè; sic elephantum toto bien-
niò uterum ferre, & fœtum moliri; si leo-
nem post longos naturæ conatus unum edi-
partu generoso, sed raro.

Hoc unum

Hoc unum ad felicitatem Galliarum sempiternam optandum restat, ut eum ad multos annos superstitem videamus, quem, ut liceret aliquando conspicere, diu multumq; contendimus; & longius tantò vivat Delphinus, quantò cœpit vivere serius. Quod ipsum, & si futurum semper speravi, maximè ex quo dubitat nemo, quin Regi filium Deus singulari quodam munere concesserit: tamen auct multò etiam magis spem meam eximia Regis pietas, qui eundem vix dum alvo materna conceptum, Virgini Deiparæ, unà cum amplissimo regno, solemnî ritu consecravît. Hic enim LUDOVICË, præterire non possum insigne illud religionis tuæ monumentum, quod, dum hominum genus erit, nulla non sæcula prædicabunt. Jam tibi desideratæ prolis spes non inanis affulserat, jam pretioso fœtu Regina distendi cœperat, cum tu miraculi intelligens, ut beneficium, quod pietate merueras, pietate rependeres, idque cum fœnore, non modò pignus acceptum, sed & præterea universum, quàm latè patet, Galliarum Imperium, Augustissimæ Dominæ nexu perpetuo devovisti; ne quos haberes in subditis, quos illa sui nesciret esse mancipii. Imò verò iussisti nos tuæ devotionis esse consortes, & tecum ad pedes Magnæ mundi Imperatoricis procidere, ut gratiam, quæ

quæ pertinebat ad omnes, singuli agnoscere-
mus, & tum Regni dedicatio perfecta habe-
retur, cum eam quisque voluntario firmâset
obsequio. Etsi enim tu, qui omnium in te
fortunas colligis, unus spondere poteras pro
omnibus, & Rex magnus personam implere
humilium famulorum; tamen, ne cogi videremur
ad servitutem, dom nos inaugurabas
ad sanctitatem, decuit, ut ipsi tuum non mi-
nus spontè imitaremur exemplum, quàm fa-
cile sequeremur imperium. Quale fuit illud
spectaculum, quàmque jucundum, cum se in-
finita toto regno vis hominum, ordines uni-
versi, coetus, societates, collegia, municipia,
castra, urbes, provinciæ ad Almæ Virginis a-
ras, ipso die, quò Assumptæ in Cælum tri-
umphus agitur, effuderunt! Atque hinc Rex
suo major Imperio, inde Reginae factu gravior
magnifico, in genua procubuerunt, ut simul
omnes Galliam potenti Cælorum Reginae, si-
mul venturam prolem Augustæ Dei Matri,
uno consensu voverent. O magnum prælu-
dium gloriæ! O benè ac feliciter auspicatam
Delphini sortem! Sic regius Infans nondum
terris monstratus, Cælo militare discit, prius
initiatum, quàm eductus: antè superis addictus
quàm nobis editus; sponsores iidem fuerunt,
qui parentes; regni obses idem, qui hæres.
Ecquid hoc infante beatius, quem citius Vir-
ginis

ginis manus excepere, quàm obstericis? quid MARIA tutrice securius, cui se Deus ipse regendum dedit? Hæc imperium Delphino, hæc Delphinum servabit Imperio. Quo si nostra adhuc exaudiuntur omnium vota, nemo certè illo felicius regnavit, nemo diutius vixit. Ille sibi gentes, quas bellicus furor toto orbe divisit, conciliabit universas: ille subditis, quos habebit innumeros, omnibus superstes erit: ille cum Leonibus Leopardos, cum Liliis Aquilas immortali pace componet; ille barbaram gentem Othomannorum, & nocturnum crescentis lunæ fulgorem extinguet: ille ad orientem juxta, & & occiduum solem suæ Majestatis Numen diffundet: ille victoriis orbem terrarum peragrabit, Clodovæis illustrior, Pipinis fortior, Carolis felicior, Philippis Augustior, Henricis major, Ludovicis (si quid eorum addi potest pietati, & nomini) etiam melior. Ergo vivat, qui nobis divinitus extitit Delphinus, & tot annos vivat, quot nascituro vota concepimus. Vivat, donec nullum hostem Gallia sentiat, nullum Europa patiatur hæreticum, nullum Ecclesia non sibi subditum videat. Vivat secundus Regi, qui genuit, Reginæ similis, quæ peperit; Gallia major, quæ flagitavit. Superi, qui dederunt, æternum servent; cives, qui petierunt, patrem sentiant; exteri, qui timuerunt

victo-

victricem ferant; foederati, qui exoptârunt, triumphantem videant. Diu expectatus, nunquam recedat; miraculo genitus, miraculis fulgeat; Cœlo delapsus, terris imperet, LUDOVICUS meruit, LUDOVICUM æquet, ANNA obtinuit, ANNAM felicitate; Gallia suscepit, Galliam amplificet. Augustæ proli anni mille, Imperatori novo coronæ mille, Delphino Gallico victoriæ mille: ut pacem reducat, ut hostes conterat, ut oppressos liberet, ut Ecclesiam protegat, ut mundo imperet, DELPHINUS VIVAT. Hæc sunt tuorum vota, Rex Christianissime, hæc publicæ omnium, tibi, tuoque sanguini fausta precantium acclamationes. Det tibi Deus ætatem, quam mereris; Delphino, quam cupis. Illius ortu ita gaudemus, ut unum nunquam audire velimus interitum. Vivat ille diu tibi, tu nobis, semper. Imperet in ævum, dum serò capeſſat imperium. Alios enim à te, LUDOVICE, Gallia Principes; alios à te mundus, ANNA, Dominos postulat: quantumvis multos dederitis, pauci videbuntur, quia rarum omne, quod optimum. Date filios, videatis nepotes, & talem senectutem, quam sibi met optet pronepos, cernat in proavo; tam fecundam Borboniæ gentis serenam Gallia numeret, quæ nullum finem habeat, orbem impleat universum.

F I N I S.

16
S


L

R

S

se
ret
ul
ve
am
tus
utr
pra
viff
lici
diff
de
ta

Re-
em
Po-
illi
on-
ant:
est.
Tur
au
on-
ur
ria,
ono,
il-
core
rta-
in-
Ele-
amq;
Orbe
ifici.
qui-
rbe-
Feli-
Soci
bus,
ā in-
Regū
lita-
xer-
Bel-
atem;
Cujus
ntium
m Pa-
bis ē-
fa.
.



68.823

150

k 958/

m/861

Biblioteka Jagiellońska



stdr0024817

